

M345: Augsburger Urkunden

- 0,1 Ich velrich der Brugghay / he'n Dyepoldes des Brugghaien saeligen Svn /
 burger ze auspurch Tuon kunt allen den
 0,2 die disen brief an sehent / oder hoerent lesen / Das ich mit verdahtem muot
 / vnd mit guoter vorbetrachtunge / vnd mit
 0,3 aller miner erben / vnd friunde Rat / gunst / vnd guotem willen / ainen
 flaekken mines Bavngarten . der ze naechst
 0,4 stosset / an der Gaistlichen frawen . der Saemnvnge / ze Sant Nyclus hie
 ze auspurch . aigen . da si selb mit wesen
 0,5 inne sint / der min rehtes aigen ist gewesen . vnd als der selb flaekke mit
 marken vs gezaichent . vnd gemerket
 0,6 ist . ze rehtem aigen v'kauft / vnd geben han reht / vnd redlich / den vor
 genanten Gaistlichen frawen . der Saemnvnge /
 0,7 ze Sant Nyclus . vnd allen iren Nachkomen . ze haben . vnd ze niessen
 ewiglich / vnd geruewiglich / vmb
 0,8 aht pfunt guoter / vnd gaeber auspurch' pfenni-g / die ich bereit von in dar
 vmb empfangen han / vnd an minen
 0,9 nutz gelaet han . vnd han ich in den selben flaekken mines vor geschriben
 Bavngartens . vf gegeben / vnd han mich
 0,10 sin verzigen fuer mich / vnd fuer alle min erben / vnd Nachkomen / als
 man sich aigens durch reht verzihen sol
 0,11 vnd als man es vf geben sol / nach der Stet reht ze auspurch / vnd also sol
 ich den vor genanten Gaistlichen
 0,12 frawen / den vor geschriben flaekken mins Bavngarten staeten / vnd
 vertigen / vnd sol sin / ir rehter Gewer
 0,13 sin . fuer alle ansprach / als man aigen durch reht staeten / vnd vertigen
 sol nach der Stet reht ze auspurch
 0,14 vnd wuerde er in von iemen anspraech mit dem rehten / in den zilen / als
 man aigen durch reht staeten / vnd
 0,15 vertigen sol nach der Stet reht ze auspurch / die selben ansprach suelen /
 ich / vnd min erben in verrihten /
 0,16 vnd entloesen ane allen iren schaden / Taeten wir des niht / swas si der
 selben ansprach / denne schaden nement
 0,17 den suelen wir in gar / vnd gaenczlich ab tuon / vnd gelten / ane allen krieg
 / vnd ane alle widerrede / Daz
 0,18 daz also staet belib / vnd vnzerbrochen Dar vmb gib ich in disen brief
 versigelten / vnd geuestnet mit
 0,19 der Stet ze auspurch Insigel . vnd mit minem Insigel div baydiv dar an
 hangent Des sint geziug

- 0,20 her velrich der Rauenspurg' / vnd her Chuonrat der Gollenhou' . die do
Burg'maister waren / her Hainrich der
- 0,21 Portner her hainrich der Stolzchirs / her Chuonrat der Lang / her Chuonrat
der klokker / her Chuonrat
- 0,22 der waelser / vnd ander gnuog / Der brief ist geben / do man zalt von
Christes gebuort Drivzehen
- 0,23 Hundert Iar / vnd dar nach in dem Sehsten vnd drissigostem Iar / an dem
naehsten tag nach sant Valentins
- 0,24 tag
- 0,1 ICh Iohans der Truchsaeße / von walpurg Lantvogt in Obe'n Swaben /
vergich offentlich an disem brief / vnd tvon kunt allen
- 0,2 den / die in sehent / oder hoerent lesen / Daz die Erbern Wisen Luet / die
Ratgeben / vnd die Gemain / der Stat ze Auspurch
- 0,3 des geltes / daz in von den Steten gemainlich / die vor Merspurch lagen /
vf gelaet wart / an der Cost / vnd an dem buwe
- 0,4 der vor Merspurch in des Riches dienst / geschahe / Hauptguotz / vnd
schadens mich gar / vnd gaentzlich verriht / vnd
- 0,5 gewert havnt / vnd sag si / vnd ir Nachkomen / des selben geltes / vnd des
schadens / der dar vf gegangen was /
- 0,6 fuerbas ledig / vnd los / fuer mich / vnd fuer alle min erben / vnd des ze
ainem warn vrchvende / gib ich in disen
- 0,7 brief versigelten mit minem Insigel / daz dar an hanget Der gegeben ist /
do man zalt von Cristes gebuert
- 0,8 Drivzehen Hvndert Iar / vnd dar nach in dem Sehsten / vnd Drissigosten
Iar / an dem Palemabent
- 0,1 Ich Iohans der Ziegler burg' ze auspurch . vnd ich adelhait sin wirtin /
Tuon kunt allen den . die disen brief an sehent od' hoerent lesen . Das wir
mit v'dahtem muot
- 0,2 vnd mit guot' vorbetrachtung . vnd mit aller vnser erben . vnd friunde Rat
. gunst . vnd guotem willen . vs vnse'm akker . des Aht Iuchart sint . der
gelegen ist .
- 0,3 vzzeralb der Stat ze auspurch . oberhalb dem wagenhals . den ich Iohans
von minem vat' saeligen geerbet han . vnd der vnser rehtz aigen ist . vnd
stozzet
- 0,4 ainhalben . an des Raemen aekker . vnd anderhalb stozzet er . an des
Stozzers aekker . vnd stozzet Obnan . an der frawen von der Horbrugg
aekker vnd Vndan
- 0,5 stozzet er . vf die Strazze . vs dem selben Akker . als er ietzunt mit marken
vs bezaichent vnd gemerket ist / vnd vs alliv div / vnd dar zvo gehoert /
Haben wir
- 0,6 reht vnd redlich verkauft . vnd geben . ze rehtem aigen Driv pfunt guot'
/ vnd gaeber Auspurg' pfenni-g geltes . den Gaistlichen frawen . Swest'
Gedruten .
- 0,7 der Priorin . vnd gemainlich dem Conuent des Closters ze Sant . Kaetrinen
. in der Stat ze auspurch . vnd allen iren Nachomen . ze haben . vnd ze
niessen

- 0,8 ewiclich / vnd geruewiclich . vmb vier . vnd fuemfzig pfunt guet' vnd
gaeber auspurg' pfenni-g . die wir bereit von in dar vmb enpfangen haben
. vnd an
- 0,9 vnse'n . vnd vnser erben nutz gelaet haben . vnd sulen wir oder vnser erben
. oder in swes gewalt der vor genant Akker . vnd swaz dar zvo gehoert /
hinnan
- 0,10 fuer kumt . den Gaistlichen frawen . des vor genanten Closters ze Sant
Kaetrinen . die vor geschriben Driv pfunt auspurg' pfenni-g geltes . alliv
Iar ewiclich .
- 0,11 geben . vf Sant Michels tag . od' in den naechsten aht tagen . da vor . od'
in den naechsten aht tagen dar nach . ane allen iren schaden . vnd swelhes
Iars
- 0,12 wir daz versaezzen . daz wir in div selben Driv pfunt auspurg' pfenni-g
geltes niht gaeben . ze dem zil / als da vor geschriben stat . So ist in der
vor genant
- 0,13 akker vnd swaz dar zvo gehoeret / vnd swaz dar vf gebuen ist . fuer ain
lediges vnd fries aigen / dar vmb mit reht zinsuellig worden . vnd veruallen
. ane
- 0,14 allen krieg . vnd ane alle wid'rede . vnd also suelen wir vnd vnser erben .
der Gaistlichen frawen . des vor genanten Closters ze Sant Kaetrinen der
- 0,15 vor geschriben Drier pfunt auspurg' pfenni-g geltes reht Geweren sin / vnd
suelen s in staeten . vnd vertigen fuer alle ansprach . als man aigen durch
- 0,16 reht staeten . vnd vertigen sol . nach aigens reht . vnd nach des Landes reht
. vnd wuorden in div vor geschriben Driv pfunt auspurg' pfenni-g geltes .
- 0,17 dar veber von iement ansprach mit dem rehten . in den zilen als man aigen
durch reht staeten . vnd vertigen sol nach aigens reht vnd nach des
- 0,18 Landes reht . Die selben ansprach sulen wir / vnd vnser erben in verrihten
vnd entloezen ane allen iren schaden Taeten wir des niht . Swaz si der
- 0,19 selben ansprach denne schaden nement / Den sulen wir in gar . vnd
gaentzlich / ab tuon . vnd gelten . ane alle krieg . vnd ane alle widerrede .
Man
- 0,20 sol . auch wizzen / daz die vor genanten Gaistlichen frawen . des Closters
ze Sant Kaetrinen / vnd ir Nachomen . div vor geschriben . Driv pfunt
auspurg' pfenni-g
- 0,21 geltes . alliv Iar ewiclich der Stat ze auspurch . suelen verstiuren nach der
Stet reht . ze auspurch . waer auch . daz in der vor genant akker zinsuellig
- 0,22 wuerde vmb die selben . Driv pfunt auspurg' pfenni-g geltes . So suelen si
nvr den akker verstiuren . vnd div Driv pfunt pfenni-g geltes
- 0,23 niht . Daz das also staet belib vnd vnzerbrochen . Dar vmb geben wir in
disen brief versigelten mit der Stet ze auspurch Insigel daz dar an hanget .
- 0,24 Des sint geziug her Herbort . vnd her Chuonrat . der waelser . die do
Burg'maist' waren . her Hainrich der Portner . her Chuonrat der Lang
- 0,25 her Chuonrat / vnd her Hainrich die Herborten . her Chuonrat der ansorg
/ vnd and' gnuog Der brief ist geben . do man zalt von Cristes gebuert
- 0,26 Driuzehen Hvndert Iar . vnd dar nach in dem Sehsten vnd Drissigstem
Iar . an dem naechsten Donerstag vor Sant Kaetrinen tag .
- 0,1 Wir Chuonrat von Gotes verhengung abt / her Eglolf der Prior / vnd der
Convent gemainlich des

- 0,2 Gotzhauses . Sant volrichs / vnd Sant afren ze auspurch / vergehen
offenlich an disem brief / vnd tven
- 0,3 kunt allen den / die disen brief an sehent oder hoerent lesen / vmb die
Missehaellung / vnd vmb den
- 0,4 krieg der etwi lang gewesen ist / zwischen vnser . vnd vnse'm Gotzhaus
von ainem tail / vnd zwischen
- 0,5 volrichs des Iuncherren . Maisters des Spitals ze auspurch / vnd der
Saemnung / des selben Spitals
- 0,6 von dem andern tail also / daz wir woelten daz si vns / vnd vnse'm
Gotzhause von allen den Gueten
- 0,7 die daz vor genant Spital hat ligent / hie ze auspurch in der Stat / vnd vor
der Stat enunt Laeches
- 0,8 vnd hie disvnt Laeches . haeten den zehenden gegeben . vnd daz der vor
genant Maister / vnd die
- 0,9 Saemnung / des Spitals sprachen . Si soelten vns kainen zehenden geben .
Die missehaellung . vnd
- 0,10 den krieg / der wir baidenthalben dar vmb mit enand' gehabt haben . Haben
wir mit guotem willen gelazzen /
- 0,11 an hern Ruodolfen von Huorenheim Tegan ze dem Tuom hie ze auspurch
.. an Maister arnolden
- 0,12 den Liupriester ze dem Tuom . an Maist' volrichen den Hofmaier / vnd an
he'n Ruedige'n / den Langmantel .
- 0,13 als an reht schidluet / vnd gelobten . vnd gehiezzen in mit vnse'n triwen /
Swie si vens vmb die
- 0,14 sache mit dem Maist' / vnd mit der Saemnung des vor genanten Spitals /
v'rihten . vnd v'schieden . daz
- 0,15 wir daz ge'n woelten staet havn . vnd daz wir da wid' nimm' ihs getvon
woelten / wed' mit Worten . noh
- 0,16 mit waerken . wed' mit Gaistlichem / noch waeltlichen rehten . noch mit
kain' lai and'n sachen . Vnd
- 0,17 also habent vns die vor gen\&l herren lieplich / vnd friuntlich vmb die vor
geschriben sache / mit enand'
- 0,18 gar / vnd gaentzlichen verriht vnd verschaiden . Daz der ob genant Maister
. od' swer denne des vor gen\&l
- 0,19 Spitals Maister ist . vnd div Saemnung . des Spitals / vns / vnd vnse'm
Gotzhause / fuerbaz ewiclich aelliv
- 0,20 Iar . geben suolen ain Schoeffel Roggen / vnd ainen Schoeffel habe'n
auspurg' messes . zwischen Sant Michels
- 0,21 tag . vnd Sant Gallen tag . vnd suelen da mit fuerbaz ewiclichen alles
zehendes . gen vns . vnd
- 0,22 gen vense'm Gotzhaus . ledig sin also / daz si vns / noch vense'n
Nachkomen von allen iren gueten / die
- 0,23 si havnd ligent hie ze auspurch . in der Stat / od' vsserhalb . der Stat /
si ligent enunt Laeches .
- 0,24 od' hie disvnt Laeches . Es sien Haeuser . Garten . aenger . wismat / Holtz
/ aekker . besuochten / vnd
- 0,25 vnbesuochten / swie si gehaizzen sint / die si selb ietzunt in nutz vnd in
Gewer inne havnd / od' swer

- 0,26 si von iren wegen ietzo inne hat nimm' mer kainen zehenden suelen geben
 . vnd suelen auch wir
- 0,27 noch vnser Nachkomen . fuerbaz kainen zehenden . von den selben guoten
 an si vorde'n / noch mueten
- 0,28 vnd des ze ainem waren vrchuende Geben wir in disen brief v'sigelten mit
 vnse'n baiden Insigeln .
- 0,29 vnd mit der Gaistlichen Riht' ze auspurch Insigel . die aelliv dar an hangent
 / Des sint geziug
- 0,30 her volrich der Custer . her albreht von Atrenbuoren her Berhtolt der
 Svmertoekkel / her volrich
- 0,31 der winkler / her Raenhart der fuchs . her Iohans von vischach . Priester .
 vnd herren vensers
- 0,32 Conuentes . her Herbort . vnd her Chuonrat der waelser . die do der Stet
 ze Auspurch pfleg' waren .
- 0,33 her Ruedig' / der Langmantel . her Chuonrat der Lang / her Peter vnd her
 Chuonrat die Minner vnd
- 0,34 and' gnuog Ditz geschach . do man zalt von Cristes gebuert Driuzehen
 Hundert Iar . vnd dar nach
- 0,35 in dem Sibenden . vnd Drissigosten Iar . an dem naechsten fritag nach Sant
 Mathias tag
- 0,1 Ich Volrich der Iunchherr / Maister des Spitals ze auspurch / vnd wir div
 Saemnung des selben Spitals
- 0,2 veberal / vergehen offentlich an disem brief / vnd tven kunt allen den die in
 lesent . sehent od' hoerent
- 0,3 lesen . vmb die Misshaellung . vnd vmb den krieg / der etwi lang gewesen
 ist . zwischen vnser / vnd des
- 0,4 Spitals von ainem tail / vnd zwischen des abtes . vnd des Conuentes . des
 Gotzhuses ze Sant volrich /
- 0,5 vnd Sant afren . ze auspurch / von dem ande'n tail / also / daz si sprachen
 . vnd wolten / daz wir in / vnd
- 0,6 irem Gotzhause . von allen den guoten / die daz Spital . hat ligent . hie ze
 auspurch . in der Stat / vnd
- 0,7 vor der Stat . enunt laeches . vnd hie disvnt Laeches haeten den zehenden
 gegeben . vnd daz wir da wid'
- 0,8 sprachen . wir soelten in kainen zehenden geben / Die misshaellung / vnd
 den krieg / den wir baidenthalben .
- 0,9 dar vmb mit enand' gehabt haben . Haben wir mit guotem willen . gelazzen
 . an he'n Ruodolfen von Huornhaim
- 0,10 Tegan ze dem Tuom ze auspurch . an Maist' arnolden . den Liupriester .
 ze dem Tvom / an Maist' volrichen
- 0,11 den Hofmaier / vnd an den he'n Ruedige'n / den Langmantel . als an reht
 schidluet / vnd gelobten . vnd gehiezzen .
- 0,12 in mit vens'n triwen / Swie si vens vmb die sache mit dem abt . vnd mit
 dem Conuent / des vor
- 0,13 genanten Gotzhuses ze Sant volrich v'rihten / vnd v'schieden . daz wir daz
 g'n woelten staet han . vnd
- 0,14 daz wir da wid' nimm' ihs getvon woelten / wed' mit Worten . noch mit
 waerken . wed' mit Gaistlichem oder

- 0,15 mit waeltlichem rehten / noch mit kain' lai and'n sachen . vnd also habent
vens / die vor gen\&l herren . lieplich
- 0,16 vnd friuntlich vmb die vor geschriben sache / mit enander gar . vnd
gaentzlich v'riht / vnd verschaiden /
- 0,17 Daz ich vor genant' Maister / od' swer denne / des vor genanten Spitals
Maister ist . vnd div Saemnung
- 0,18 des Spitals . dem vor geschriben Gotzhus ze Sant volrich . fuerbaz ewiglich
alliv Iar . geben suelen ainen
- 0,19 Schoeffel Roggen . vnd ainen schoeffel Habe'n auspurg' messes . zwischen
Sant Michels tag . vnd Sant
- 0,20 Gallen tag . vnd suelen auch wir da mit fuerbaz ewichtigen . alles zehenden
gen in / vnd gen irem
- 0,21 Gotzhaus ledig sin / also daz wir / vnd vnser Nachkomen . von allen den
guoten . die daz Spital ligent
- 0,22 hat in der Stat ze auspurch . od' vzzerhalb der Stat / Si ligen / enunt Laeches
. od' hie disvnt laeches
- 0,23 Es sien / Haeuser . Garten . aeng' / wismat . Holtz / aekker . besuochten
. vnd vnbesuochten / swie si gehaizzen
- 0,24 sint / die wir selb ietzo in nutz . vnd in Gewer inne haben / od' swer si von
vnse'n wegen ietzo
- 0,25 inne hat . fuerbaz nimm' mer kainen zehenden suelen geben vnd suelen
auch si / noch ir Nachkomen /
- 0,26 fuerbaz kainen zehenden . von den selben gueten an vens vorde'n / noch
mueten / vnd des ze ainem
- 0,27 waren vrchuende / Geben wir in disen brief v'sigelten . mit der Gaistlichen
Rihter ze auspurch Insigel .
- 0,28 gel . vnd mit des Spitals Insigel . div baidiv dar an hangent . Des sint geziug
Brueder Hainrich der wagn' /
- 0,29 brueder Volrich der fuhs / brud' Hainrich der Laimer / brued' Marquart
/ vnd bruoder Hainrich der ashaimer / vensers
- 0,30 Spitals gebrueder / vnd and' erber luet gnuog / Der brief ist geben . do man
zalt von Cristes gebuert Driuzehen
- 0,31 Hvndert Iar / vnd dar nach in dem Sibenden / vnd Drissigosten Iar / an
dem naechsten fritag / nach Sant Mathias
- 0,32 tag
- 0,1 Wir die Ratgeben der Stat ze Auspurch . Tven kunt allen den / die disen
brief an sehent od' hoerent lesen . Daz Maister Volrich der Nyffnach venserr
- 0,2 Stat gesworner zimmerman kom vf daz Dinchaus fuer vens in die Ratstuben
. da der Ratgeben . der merer tail engagten waz . vnd clagt von
- 0,3 sin selbs wegen . vnd von der herren von Sant Mauritzieen wegen . hin tz
fridrichen dem appateker burg' hie ze Auspurch . vnd laet fuor mit
- 0,4 fuersprechen / vnd sprach . Es haete fridrich der Appateker . ain Maur .
an siner hofsach . div ze naechst stozzet an des Nyffnachs hofstat . div sin
lipding
- 0,5 ist von den herren von Sant Mauriten . vnd div selb Maur waere gesunken
. vnd hienge als vast gen siner hofstat daz er sin gezimmer .
- 0,6 da mit er sin hofstat buen woelt / niht moecht vf gerihten . noch setzen .
als er billich svolt / Dar zvo clagt er / Es haete fridrich der Appateker

0,7 vf der selben Maur . ainen Nuosch ligent . vnd der selb Nvosch laeg ze vast
vor der Maur / vnd hienge ze vast vf sin lipding
0,8 vnd begert mit Geriht . vnd mit Vrtail ze eruaren . Im soelt fridrich der
Appateker . sin gesunken hangenden Maur . billich rvmen .
0,9 daz in div selb Maur . an sinen buwe niht moechte geirren . vnd er soelt
auch sinen Nuosch billich legen vf sin aigen . daz er fuerbaz
0,10 vf daz sin iht hienge . Der clag . vnd der ansprach . antwurt der vor genant
fridrich der Appateker . auch mit fuersprechen / vnd sprach . Er
0,11 woelte den Nvosch / dar vmb der vor genant Maist' Volrich der Nyffnach .
hin tz im geclagt het ge'n legen . vf daz sin / nach d' zimm'luet rat .
0,12 die der Stat ze Auspurch gesworen havnt / Er woelt aber sin Maur / dar
vmb er auch hin tz im geclagt het . haben . vnd niezzen . als er si biz
0,13 her gehabt vnd genozzen het . vnd woelt im dar an nihsnit rvmen . Wan er
si also leng' in Nvtz / vnd in Gewer her braht het . denne der
0,14 Stet ze Auspurch recht waer . Dar zvo clagt auch fridrich der Appateker .
Es haete der vor genant Nyffnach . vnd sin Nachgebuerin div Aemmaenin
0,15 vf iren hofsachen . die ir lipding sint von den herren von Sant Mauritzen
zwuo Priuet / vnd die selben

UAugsb26,1515 stuenden

6b26,15 sinem aigen ze nahen ./ vnd
6b26,16 von der selben Priuet wegen . waere sin Maur gesunken . vnd begert . si
soelten die selben Priuet billich verrer von sinem aigen setzen . Do
6b26,17 si baidenthalben ir rede also fuer haeten gelaet . do fragten wir bayd tail /
ob si sich baidenthalben . woelten lazzen genuogen / vnd staet woelten
6b26,18 haben . waz wir vf vnser Aide . nach ir baiden fuerlegung / vmb die sache .
ertailten . Daz gelobten vns bayd tail . mit iren triwen in Aides
6b26,19 wise / vnd sprachen . Swaz wir alle . od' der mervr tail vnd' vns . vmb die
sache . als si mit fuersprechen fuer heten gelaet . vf venser aide
6b26,20 ertailten . daz si sich des ge'n woelten lazzen genuogen / vnd daz si es ge'n
woelten staet han / Vnd also ertailtet wir alle gemainlich vf vens' aide .
6b26,21 wan fridrich der Appateker . sin Maur . als si ietzo ist . dar vmb Maister
Volrich der Nyffnach . hin tz im geclagt het . leng' in nutz / vnd
6b26,22 in Gewer her braht het . denne diser Stet ze Auspurch recht waer . Er soelt
auch die selben Maur fuerbaz also billich haben . vnd niezzen .
6b26,23 Vnd dar an soelt in Maister Volrich der Nyffnach . noch die herren von
Sant Mauritien . noch iement and's nihs engen . noch irren mit
6b26,24 kainen sachen . Vnd woelt Maister Volrich der Nyffnach . vf sin hofstat
ihsit buwen . daz soelt er tvon / vnd soelt buen vf daz sin fridrichen
6b26,25 dem Appateker ane schaden . Wir ertailten auch . daz fridrich der
Appateker . den Nuosche / der vf sin vor geschriben Maur . gen des
6b26,26 Nyffnachs hofsach gelegen ist / nach der Stet hie ze Auspurch . gesworn'
waerchluet rat . soelt legen vf daz sin / Vnd swaz der Stet waerchluet /
6b26,27 Zimmerluet / vnd Maurer . dar vmb saeten . wie der selb Nuosch soelte
ligen . des soelten . si sich baidenthalben lazzen genuogen / vnd soelt auch
der

- 6b26,28 selb Nuosch / swie er nach der selben waerchluet Rat ietzo gelaet wuerde
fuerbaz also beliben . vnd ligen . Dar nach ertailten wir / vmb
6b26,29 die Priuet . div die Aemmaenin / vnd der vor genant Maist' Volrich der
Nyffnach . habent . vf iren hofsachen / daz die selben Priuet
6b26,30 fuerbaz also beliben suelen / als si ietzo sint / wan si s also in Nutz . vnd in
Gwer leng' her braht havnd / denne diser Stet ze Auspurch
6b26,31 reht ist . Vnd do dise Vrtail mit dem rehten also gevallen waren . do begert
fridrich der Appateker . Man soelt im ditz Gerihtes .
6b26,32 vnd diser Vrtail billich ainen brief geben . der ward im ertailt / Vnd daz
diser vrtail fuerbaz niht vergezzen w'de . Dar vmb geben
6b26,33 wir disen brief v'sigelten / mit vnserr Stet Insigel . daz dar an hanget . Der
brief ist geben . do man zalt von Cristes gebuert
6b26,34 Driuzehen Hundert Iar . vnd dar nach in dem Sibenden vnd Drissigosten
Iar / an Sant Bartholomeus abent
- 7b26,1 Ich . Volrich der Illsung / Cuonratz des Illsungs saeligen Svn burg' ze
Auspurch . Tvon kunt allen den / die disen brief an sehent
7b26,2 oder hoerent lesen . Daz ich mit verdahtem muot . vnd mit guot'
vorbetrachtung . vnd mit aller min' erben . vnd friunde
7b26,3 Rat / gunst / vnd guotem willen . dri zehenden ze kisingen vnd der ain'
gat vs dem Hof den . der wismaier da
7b26,4 buet . vnd der selb Hof ist des vette'n von werde . vnd der ander zehende
gat vs des Tumbrobst hof ze Auspurch . den
7b26,5 der Glaetmlin ze kisingen da buet . So gat der Dritt zehende vs dem Hof
den die frawen . des Closters ze Sant
7b26,6 Kaetrinen . havnd ze Kisingen . den der Bruenink da buet . die min lehen
sint gewesen von dem Bistum ze Auspurch .
7b26,7 mit allen den rehten vnd nuetzen / vnd die selben zehenden geltent klain /
vnd groz . besuocht / vnd vnbesuocht / vnd als
7b26,8 ich si in nutz . vnd in Gewer her braht han / reht . vnd redlich verkauft .
vnd geben han . minem lieben Swag' Cuonraten
7b26,9 dem Glaner burg' ze Auspurch . frawen Kaetrinen min' Swester siner wirtin
/ vnd allen iren erben . oder
7b26,10 swem si s gebent / schaffent . od' lazzent ze haben . vnd ze niezzen . ewiglich
/ vnd geruewlich . ze rehtem Lehen . vmb
7b26,11 Sehtzig Pfunt . guot' / vnd gaeber Auspurg' Pfenni-g / die ich berait von
in dar vmb enpfangen han . vnd an minen
7b26,12 nutz gelaet han / vnd han in die selben zehenden . mit guotem willen vf
gegeben . in mines gnaedigen herren Bischof
7b26,13 Hainrichs von Auspurch . hant . vnd han geschaffet . daz er minem vor
genanten Swag' Cuonraten dem Glaner . vnd sinen
7b26,14 erben die selben zehenden ze rehtem Lehen hat gelihen . Vnd han mich
der selben zehenden verzingen mit gelerten
7b26,15 worten . vnd verzihe mich offentlich mit disem brief . fuer mich . vnd alle
min erben . aller der reht . die wir dar an gehabt
7b26,16 haben / oder waunden ze haben . als man sich Lehens durch reht verzihen
sol . vnd als man es vf geben sol . nach lehens

- 7b26,17 reht . vnd nach der Stet reht ze Auspurch / vnd also sol ich mines vor
genanten Swagers Chuonratz des Glaners
- 7b26,18 vnd aller siner erben . der vor geschribenn drier zehenden reht' Gewer sin
vnd sol si in staeten . vnd v'tigen fuer alle
- 7b26,19 ansprach . als man Lehen durch reht staeten . vnd vertigen sol . nach
Lehens reht / vnd nach des Landes
- 7b26,20 reht . vnd dar vmb setze ich in / ze reht' Gewerscheft min Drittail des
Hauses . vnd hofsach . da min vater saelig .
- 7b26,21 mit wesen inne waz . vnd daz mich ze Erbscheft nach mines Vaters saeligen
tod ist an geuallen . Mit der beschaidenhait .
- 7b26,22 Ob in die . selben zehenden . ir ainer od' mer . von iement ansprach
wuerden mit dem rehten . in den
- 7b26,23 zilen . als man Lehen durch reht staeten . vnd vertigen sol . nach lehens
reht vnd nach des Landes reht / die
- 7b26,24 selben ansprach . suelen ich . od' min erben . in verrihten . vnd entloezen
ane allen iren schaden . Taeten wir des niht .
- 7b26,25 Swaz si der selben Ansprach denne schaden naemen . den selben schaden
suelen ich . vnd min erben in allen gar .
- 7b26,26 vnd gaentzlichen ab tvon / vnd gelten ane allen krieg / vnd ane alle wid'rede
. Dar zvo suelen si des selben schadens gewarten .
- 7b26,27 hin tz minem vor geschriben Drittail des vor geschribenn Hauses . vnd
hofsach . vnd sol daz dar vmb ir
- 7b26,28 rehtz Pfande sin / vnd suelen da mit tvon / vnd schaffen . nach Pfandes
reht da mit si des schadens den si der Ansprach
- 7b26,29 genomen havnt / gar vnd gaentzlich verriht . vnd gewert muegen werden .
Daz daz also staet belib . vnd vnzerbrochen .
- 7b26,30 dar vmb gib ich in disen brief versigelten mit der Stet ze Auspurch Insigel
. daz die Burg' durch min bet dar an
- 7b26,31 havnd gehangen . Des sint geziug her Cuonrat der Clokker . vnd her
Hainrich der Herbort . die do Burg'maister
- 7b26,32 waren . her Hainrich der Portner . her Hainrich der Stoltzhirs / her
Cuonrat der Lang / her Cuonrat der Gollenhouer .
- 7b26,33 vnd and' gnuog / Der brief ist geben . do man zalt von Cristes gebuert
Driuzehen Hundert Iar . vnd
- 7b26,34 dar nach in dem Sibenden . vnd Drissigosten Iar . an dem naechsten
Maentag . nach aller Hailigen tag
- 8b26,1 Ich Maethilt von Hoy . hern Iohansen von Hoy saeligen witibe burg'in ze
auspurch . Tvon kunt allen den / die disen brief an sehent . od' horent
- 8b26,2 lesen . Daz ich nach mines wirtes saeligen tode . in grozze guelt geuallen
waz / die ich Cristen / vnd Iuden muozt gelten . vnd wan ich niht
- 8b26,3 beraitschaft het . da mit ich div selben guelt moeht vergelten . do het ich
Rat . he'n Hainrichs des Herborten . der do min Pfleg' waz . vnd mins
- 8b26,4 lieben toht'mannes Ruedigers des Langmantels / vnd and' miner friunde .
vnd bat si durch ir triwe / daz si mir rieten . wie ich mit dem
- 8b26,5 minsten schaden moeht vergelten . die rieten mir alle . wan ich niht varendz
guotes noch beraitschaft heti / da mit ich vergelten moht

- 8b26,6 daz mir bezzer / vnd nutzlicher waer . daz ich ettlichiv miniv ligendiv guot
an griffe / vnd div verkaufte / vnd minen gelte'n da mit guelt / e .
- 8b26,7 der schade ze groz wuerde / Dar zvo muozt ich gan . an offens Geriht / fuer
den vogt / vnd fuer den Burggrauen vnd fuer die Burg' vnd
- 8b26,8 muozt behaben mit minem starken ayde daz ich niht beraitschaft . noch
varendes guotes haete . da mit ich moecht vergelten die guelt die
- 8b26,9 ich nach mines wirtes tode . minen gelte'n muozt gelten . vnd daz ich niht
vebrig moecht werden . ich mueze dar vmb ettlichiv miniv ligendiv
- 8b26,10 guot / an griffen . vnd verkauffen . vnd also han ich mit verdahtem / vnd
mit guot' vorbetrahtung . vnd mit Elzpeten miner toht' / mit
- 8b26,11 Cristoffeln . mins Svns / mit Ruedigers des Langmantels mines toht'mans
. vnd mit Hainrichs des Herborten mines Pflegers . vnd mit
- 8b26,12 ander miner friunde Rat / gunst / vnd guotem willen . ainen flaeschpank
der hie ze Auspurch . vnd' den Nide'n flaeschbenken ist gelegen . den
- 8b26,13 Wernher der wisent von mir hat ze Vier liben als sin Hantfest saet . die er
von mir dar veber inne hat . vnd ain Gadem / daz an den
- 8b26,14 selben flaeschbanch stozzet . Div baidiv . flaeschbank . vnd Gadem . min
reht aigen sint gewesen . mit allen den rehten . vnd nuetzen / als ich
- 8b26,15 den selben flaeschbank vnd Gadem in nutz / vnd in Gewer her braht han .
reht vnd redlich verkauft . vnd geben han . Iunchfrawen
- 8b26,16 Maethiltlen . der Langemaentlin burg'in ze Auspurch . od' swem si den
selben flaeschbank / vnd Gadem / git / od' lat . ze haben . vnd / ze
- 8b26,17 niezzen . ze rehtem aigen . ewiglich / vnd geruwiglich . Vmb ains . vnd
zwaintzig pfunt guot' Auspurg' pfenni-g . die ich berait von
- 8b26,18 ir dar vmb empfangen han . vnd da mit ich minen gelte'n vergelten han .
als verr als die selben pfenni-g mehten geraichen . Vnd
- 8b26,19 han ir den selben flaeschbanch . vnd Gadem vf gegeben . vnd han mich sin
verzigen mit gelerten worten . vnd verzihe mich offenlich
- 8b26,20 mit disem brief fuer mich / vnd fuer alle min erben . aller der reht . div wir
dar an gehabt haben . od' wavnden ze haben . als man
- 8b26,21 sich aigens durch reht verzihen sol . vnd als man es vf geben sol . nach
aigens reht . vnd nach der Stet reht ze Auspurch . Vnd
- 8b26,22 also sol ich vnd alle min erben des vor geschribenn flaeschbanks . vnd
Gadems der vor genanten Iunchfrawen Maethiltlen der
- 8b26,23 Langmaentlin / reht Geweren sin / vnd suelen s in staeten . vnd vertigen
fuer alle ansprach . als man aigen durch . reht staeten .
- 8b26,24 vnd vertigen sol . nach der Stet reht ze Auspurch Vnd wuerde ir der vor
geschriben flaeschbank . vnd Gadem . oder swaz dar
- 8b26,25 zvo gehort dar veber von iement anspraech mit dem rehten . in den zilen /
als man aigen durch reht staeten . vnd vertigen sol .
- 8b26,26 nach der Stet reht ze Auspurch . Die selben ansprach suelen ich / vnd min
erben ir . od' swem si in git schaffet . od' lat . verrihten .
- 8b26,27 vnd entloezen ane allen iren schaden Taeten wir des niht Swaz si der selben
ansprach denne schaden nement den selben schaden
- 8b26,28 suelen / wir in allen gar vnd gaentzlichen . ab tvon vnd gelten ane allen
schaden vnd ane allen krieg . vnd ane alle widerrede .
- 8b26,29 Daz daz also staet belib vnd vnzerbrochen Dar vmb gib ich ir disen brief
versigelten vnd geuestent mit der Stet ze Auspurch

- 8b26,30 Insigel . daz die Burg' durch min bet dar an havnd gehangen . Des sint
geziug her Chuonrat der Clokk' vnd her
- 8b26,31 Hainrich der Herbort die do Burg'maister waren her Hainrich der Portner
. her Chuonrat der Lang / her Chuonrat der
- 8b26,32 Gollenhouer . her Cuonrat der waelser . her Cuonrat der Ansorg vnd ander
gnuog Der brief ist geben . do man zalt von
- 8b26,33 Cristes gebuert Driuzehen Hundert Iar vnd dar nach in dem Sibenden .
vnd Drissigosten Iar . an dem nachsten fritag vor
- 8b26,34 Sant Andres tag
- 9b26,1 Ich Anne div Langmaentlin . h'n Hainrichs des Langmantels saeligen witib
. burg'in ze Auspurch . Tvon kunt . allen den die disen
- 9b26,2 brief an sehent . od' hoerent lesen . Daz ich mit verdahtem muot / vnd mit
guoter vorbetrachtung . vnd mit aller miner kinde vnd friunde .
- 9b26,3 Rat gunst vnd guotem willen . Dritzehen schilling . Auspurg' pfenni-g
geltes . die ich ze rehtem Aigen Iaertlichen guelt gehabt .
- 9b26,4 han vz frawen Agnesen . der Noerdlingerin Hause vnd hofstat . daz gelegen
ist . vzzeralb der Stat . vor Straeuinger Tor .
- 9b26,5 hie ze Auspurch . an der Saehsin Gazzen . zwischen des Ladmatingers .
haus / vnd hofsach . vnd der Oespin hofsach . reht . vnd
- 9b26,6 redlich verkauft . vnd geben . han / ze rehtem Aigen / in die Custri ze Sant
Vlrich / hie ze auspurch . Mit der beschaidenhait .
- 9b26,7 daz fraw agnes div Noerdling'in vnd ir erben . od' in swes gewalt . ir vor
geschribens Haus . vnd hofstat . hinnan fuer
- 9b26,8 kumt . vz dem selben Haus . vnd hofstat . alliv Iar . dem Custer ze Sant
volrich Swer danne Custer ist . die vor geschriben
- 9b26,9 dritzehen schilling Auspurg' pfenni-g geben suelen vf Sant Michels tag .
oder in den nachsten aht tagen da vor . oder
- 9b26,10 in den nachsten aht tagen dar nach Vnd swelhes Iars si daz versaezzen . So
ist der Custri ze Sant Volrich . daz selb haus .
- 9b26,11 vnd hofstat . vnd swaz dar zvo gehoert dar vmb mit reht zinsuellig worden
. vnd v'uallen . ane allen krieg . vnd ane alle
- 9b26,12 widerrede Vnd der vor geschribenn dritzehen schilling pfenni-g geltes .
havnd kauft . vnd v'golten zehen schilling
- 9b26,13 pfenni-g geltes . Votz vnder dem Baerge . von Inningen vnd der Haekkel .
des Maiers bruoder von Husteten . vnd Herman
- 9b26,14 des Maiers Svn von Inningen vnd hand dar vmb gefruomt ain ewiges licht
. daz ewiclich brinnen sol vf Sant
- 9b26,15 Affren alter hie ze Auspurch . ze ain' bezzerung . vmb den Totschlag den
si an Cuonraten dem Maemmi-gen saeligen getan
- 9b26,16 hand . Vnd hand mir dar vmb gegeben Ainlif pfunt guot' / vnd gaeber
auspurg' pfenni-g Vnd die vebriegen dri schilling
- 9b26,17 Auspurg' pfenni-g geltes . hat kauft her Volrich der Bart . der do Custer
waz ze Sant volrich / vnd hat mir dar vmb
- 9b26,18 gegeben Vierdhalp pfunt Auspurg' pfenni-g / Vnd also bin ich von baiden
tailen / gar vnd gaentzlich v'riht . vnd gewert
- 9b26,19 fuomftzehenthalf pfunt Auspurg' pfenni-g . die ich an minen . vnd min'
erben nutz gelaet han . Vnd han die vor geschriben

- 9b26,20 dritzehen schilling . pfenni-g geltes . der Custri ze Sant Volrich mit guotem
willen vf gegeben . vnd han
- 9b26,21 mich ir verzigen mit gelerten worten . vnd v'zihe mich offentlich mit disem
brief . fuer mich vnd fuer alle min
- 9b26,22 erben / aller der reht div wir dar an gehabt haben . od' wanden . ze haben
. als man sich aigens durch reht v'zihen
- 9b26,23 vnd als man es vf geben sol . nach der Stet reht ze Auspurch . Vnd also sol
ich der vor geschribenn dritzehen schilling
- 9b26,24 pfenni-g geltes . der Custri ze Sant volrich rehtiv Gewer sin . vnd sol si der
Custri staeten . vnd vertigen fuer alle
- 9b26,25 ansprach als man aigen durch reht . staeten . vnd vertigen sol . nach der
Stet reht . ze Auspurch . vnd wuerden die selben
- 9b26,26 dritzehen schilling pfenni-g geltes / der Custri ze Sant . Volrich von iemant
anspraech . mit dem rehten . in den zilen .
- 9b26,27 als man aigen durch reht staeten . vnd vertigen sol . nach der Stet reht ze
Auspurch Die selben ansprach suelen ich /
- 9b26,28 vnd min erben / der Custri entloezen / vnd vz rihten . ane allen iren schaden
. Taeten wir des niht Swaz denne div Custri
- 9b26,29 d' selben ansprach . schaden naem . den selben schaden sulen / ich . vnd
min erben . der Custri ze Sant Volrich . gar . vnd
- 9b26,30 gaentzlichen ab tvon / vnd gelten . ane allen krieg / vnd ane alle widerrede
. Daz das also staet belib vnd vnzerbrochen .
- 9b26,31 Dar vmb gib ich der Custri disen brief versigelten . vnd geuestent . mit der
Stet ze Auspurch Insigel . daz dar an hanget .
- 9b26,32 Des sint geziug . her Cuonrat der Clokker . vnd her Hainrich der Herbort
. die do Burgermaister waren . her Hainrich
- 9b26,33 der Portn' . her Cuonrat der Lang . her Cuonrat der Gollenhou' / her
Iohans der waelser . her Peter der
- 9b26,34 Minner . vnd and' gnuog . Der brief ist geben . do man zalt Cristes gebuert
Driuzehen Hundert Iar vnd
- 9b26,35 dar nach in dem Ahtenden vnd drizzigosten Iar . an dem naechsten tag .
nach Sant Pauls tag . als er bekert ward .
- 10b26,1 Ich Chuonrat der Dahs burg' ze auspurch / vnd ich Gedrut sin wirtin /
veriehen / vnd tven kunt allen den / die disen brief an sehent .
- 10b26,2 oder hoerent lesen / daz wir mit verdahtem muot / vnd mit guoter
vorbetrachtung . vnd mit aller vnserr kinde Rat . vnd willen / an
- 10b26,3 den Gueten / div her nach benennet . vnd geschriben stant . daz ist / an
dem Stainhaus . vnd hofsach . da Iohans der dahs / min Cuonratz
- 10b26,4 des dahsen vetter / ietzo mit wesen inne ist . daz wilunt des Talmaizzingers
waz . vnd ain Hof ze Harthusen . den walther der
- 10b26,5 flandrer da buet / vnd driv pfunt auspurg' pfenni-g geltes . vnd ahtzig
pfenni-g / div wir / vnd Iohans der dahs kauften . vz dem
- 10b26,6 Iuden Haus . daz ietzo ist . Isakes des Lambs Svn . daz gelegen ist zwischen
Marquartz des Begossenbrotz Haus / vnd hofsach . vnd
- 10b26,7 koepflins des Iuden / haus . vnd hofsach . Vnd ain halp pfunt auspurg'
pfenni-g geltes . daz wir / vnd Iohans der dahs auch mit

- 10b26,8 enand' kauften vz ainem Haus . vnd hofsach . daz hie ze Auspurg gelegen
ist . ze naechst bi des Blanken Muel / an dem vor geschribenn
- 10b26,9 Stainhaus . vnd hofsach vnd an dem vor geschribenn Hof ze Harthusen /
vnd an der vor geschribenn pfenni-g guelt .
- 10b26,10 daz alles halbes vnser reht aigen waz . Haben wir vens'en tail . vnd alliv div
reht . div wir an den selben guoten gehabt haben .
- 10b26,11 reht . vnd redlich verkauft . vnd geben . dem vor genanten Iohansen dem
Dahsen . frawen Elzpeten . siner wirtin / vnd
- 10b26,12 allen iren erben / od' swem si div selben guot / gebent schaffent . od' lazzent
. ze haben . vnd ze niezzen . ewiglich vnd gervowiglich
- 10b26,13 ze rehtem Aigen . vmb Hundert pfunt . vnd vmb driu vnd drizzig pfunt .
guot' / vnd gaeber auspurg' pfenni-g . die
- 10b26,14 wir berait von im dar vmb enpfangen haben . vnd an vns'en / vnd vnserr
erben nutz gelaet haben . Vnd haben in vens'en
- 10b26,15 tail . an den selben guoten vf gegeben . vnd haben vens sin verzigen / mit
gelerten worten . vnd verzihen vens offentlich mit
- 10b26,16 disem brief fver vens / vnd fuer alle vnser erben . aller der reht . div wir dar
an gehabt haben / od' waunden ze haben . als
- 10b26,17 man sich aigens durch reht v'zihen sol . vnd als man es vf geben sol . nach
der Stet reht ze Auspurch . also / daz wir / noch venser .
- 10b26,18 erben . noch iement anders von vens'en wegen / nach den vor genanten
Guoten fuerbaz nimmer mer kain clag . noch kain
- 10b26,19 ansprach . noch kainer schlaht reht . gehalten suelen / noch en muegen /
weder mit Gaistlichem . noch mit waeltlichem rehten / noch
- 10b26,20 mit kayner lai and'en sachen / Vnd daz der vor genant Iohans der dahs .
vnd sin erben . mit den vor genanten guoten allen tvon / vnd
- 10b26,21 schaffen muegen / swaz si wellent . als mit irem Aigenlichem guot / daz
wir / noch vnser erben . noch iement anders von vns'en wegen .
- 10b26,22 si dar an nihs engen . noch irren suelen mit kayner lai sachen . Vnd dar
vmb haben wir in ze ainer bezz'en sicherhait . in
- 10b26,23 geantwurt / alle die brief vnd hantfest . die wir / vmb vns'en tail an den vor
genanten . guoten inne haben gehabt . vnd die
- 10b26,24 selben brief suelen vens / noch vns'en erben / fuerbaz kainen nutz / noch
kainen frumen bri-gen Daz das also staet belib .
- 10b26,25 vnd vnzerbrochen . dar vmb geben wir in disen brief versigelten vnd
geuestent . mit der Stat ze Auspurg . Insigel . vnd mit min
- 10b26,26 Cuonratz des dahs Insigel . div baidiv dar an hangent . des sint geziug . her
Cuonrat der Clokker . vnd her Hainrich der Herbort .
- 10b26,27 die do Burg'maister waren / her Hainrich der Portner . her Cuonrat der
Lang . her Cuonrat der Gollenhouer . her Cuenrat
- 10b26,28 der Ansorg . her Peter der Minner . vnd and' gnuog . Der brief ist geben /
do man zalt von Cristes gebuert driuzehen
- 10b26,29 Hundert Iar vnd dar nach in dem Ahtenden . vnd Drizzigosten Iar . an
vnser frawen abent ze der Liechmesse .
- 11b26,1 Ich Gedrut . div Baechin / h'n Hainrichs des Bachen saeligen witibe /
burg'in ze auspurch . Tvon kunt allen den / die disen brief an

- 11b26,2 sehent . od' hoerent lesen / Daz ich han an gesehen / daz alle menschen
toetlich sint / vnd daz nach der Luet tode . dikk / vnd oft krieg
- 11b26,3 vfstat . vmb daz guot / daz si lazzent / Vnd dar vmb han ich fuer kuemftigen
krieg mit v'dahtem muot / vnd mit guot' vorbetrachtung
- 11b26,4 ze den ziten / do ich gesunt vnd stark waz . vnd ze kirchen / vnd ze Strazze
wol gewandeln moht mit aller miner kinde
- 11b26,5 vnd mit aller miner toeht'maenne / Rat / gunst . vnd guotem willen /
geordent . vnd geschaffet . waz miniv kint . nach minem tode
- 11b26,6 mines guotes / daz ich lazze . den Duerftigen in dem Spital . hie ze
auspurch . geben suelen / Vnd also schaffe ich vnd wil . daz miniv
- 11b26,7 kinde / vnd min erben nach minem tode durch mines wirtes saeligen Sele
vnd durch miner Sele willen / den Duerftigen
- 11b26,8 in dem Spital . hie ze auspurch alliv Iar ewiclichen geben suelen den Zins
/ vnd die Guelt / die vz den Vier Haeusern /
- 11b26,9 vnd hofsachen / vnd Baungarten / alliv Iar gand / die gelegen sint .
vzzerhalb der Stat ze auspurch / vf dem Graben
- 11b26,10 zwischen vnser frawen tor . vnd dem Hailigen Cruetz / ane allain / fuemf
/ vnd drizzig schilling auspurg' pfenni-g geltes / der
- 11b26,11 selben guelt / suelen min erben vz den selben Haeuse'n / vnd Bavngarten
/ geben vor vz / alliv Iar . in die Zeche ze vnser
- 11b26,12 frawen hie ze auspurch vf div zil . als her nach geschriben stat / Daz ist vf
Sant Georien tag . sol man geben zehen schilling .
- 11b26,13 pfenni-g / vnd vf Sant Iacobs tag . sol man geben / zehen schilling pfenni-g
/ vnd vf Sant Michels tag . sol man geben
- 11b26,14 Zehen schilling . pfenni-g / vnd vf Sant Martins tag . sol man geben /
fuemf schilling pfenni-g / ze ieglichem zil ane schaden
- 11b26,15 Taeten si des niht swelhes zil . si denne versaezzen / So suelen si die
Zechmaister swelhi denne Zechmaister sint
- 11b26,16 mit dem Geriht . dar vmb noeten / vnd beclagen / vnd suelen sich der
Haeuser . vnd der Bavngarten / vnd'winden / vnd
- 11b26,17 dar vmb inne haben ze ieglichem zil . biz daz si der pfenni-g gewert werdent
/ die man in ze dem zil . geben solt haben /
- 11b26,18 Vnd swaz div vor geschribenn vier Haeuser . hofsach / vnd Bavngarten /
mer geltent . denne div vor geschribenn fuemf
- 11b26,19 vnd Drizzig schilling . pfenni-g / daz suelen miniv kinde / vnd min erben
/ alliv Iar . ewiglich / den duerftigen in dem
- 11b26,20 Spital . hie ze auspurch geben / vnd suelen / dar vmb ainen Gotberat .
kauffen / vnd den selben Gotberat suelen
- 11b26,21 miniv kinde div wil si lebet / vnd nach miner kinde tode ir nachsten erben
vnder die duerftigen tailen
- 11b26,22 mit ir selbs henden / Daz ditz geschaeft also vollebraht werde / vnd staet .
vnd vnz'brochen belib / dar vmb
- 11b26,23 han ich disen brief haizzen gemacht vnd schriben . der versigelt . vnd
geuestent ist mit der Stat
- 11b26,24 ze auspurch Insigel / daz dar an hanget . Des sint / geziug . her Cuonrat
der Clokker . vnd her Hainrich
- 11b26,25 der Herbort die do Burg'maist' waren / her Ruediger der Langmantel . her
Hainrich der Portner

- 11b26,26 her Cuonrat der Lang . her Cvonrat der Waelser . vnd and' gnuog . Der
brief ist geben / do man
- 11b26,27 zalt von Cristes gebuert driuzehen Hundert Iar / vnd dar nach in dem
Ahtenden / vnd Drizzigosten
- 11b26,28 Iar . an Sant Gedrut tag /
- 12b26,1 Ich Iohans Voelchwin burg' ze auspurch vnd ich agnes sin wirtin Tuen kunt
allen den die disen brief an sehent / od' hoerent lesen / daz wir mit v'dahtem
muot / vnd mit guot' vorbetrachtung .
- 12b26,2 vnd mit aller venser erben / vnd friunde / Rat gunst . vnd guotem willen
/ vz vnse'm Haus vnd hofsach . vnd Garten / daz hie ze auspurch . vor
Straeuing' tor ist . gelegen / vnd stozzet ainhalben
- 12b26,3 an des Motzenhouers Haus / vnd hofsach / vnd anderhalben stozzet es an
des Viessen Garten / daz vnser reht aigen ist . vnd daz ietzo die vergin von
Lechhusen von vens ze liben hat . Vz dem
- 12b26,4 selben Haus / vnd hofsach / vnd Garten / vnd vz alliv div / vnd dar zvo
gehoeret / besuoht vnd vnbesuoht . Haben wir reht vnd redlich verkauft
. vnd geben alliv Iar . ewiclichen / ze rehtem aigen
- 12b26,5 zwelf schilling guot' auspurg' pfenni-g geltes . dem erb'n mann / he'n
Volrichen dem Schriber burg' ze auspurch . der der Siben Licht' die in
Sant Mauritzien Muenster hie ze auspurch vor
- 12b26,6 des Lutpriesters alt' brinnent pfleg' ist . vnd hat auch die selben zwelf
schilling . auspurg' pfennig geltes . an die selben Siben Licht' ze rehtem
aigen gekauft . Vnd dar vmb hat
- 12b26,7 er vens gegeben / aynlif pfunt guot' / vnd gaeber auspurg' pfennig die wir
berait von im dar vmb empfangen haben vnd an vnse'n / vnd vnserr erben
nutz gelaet haben Vnd suelen
- 12b26,8 wir od' venser erben od' in swes gewalt div eigenschaft des vor geschribenn
Hauses vnd hofsach vnd Garten vnd swaz dar zvo gehoeret hinnan fuer
kumt dem vor genanten he'n Volrichen
- 12b26,9 dem Schriber od' swer denne der vor geschribenn Siben Licht' pfleger ist
. vz dem selben Haus vnd hofsach vnd Garten / vnd swaz dar zvo gehoert
die vor geschribenn zwelf schilling
- 12b26,10 auspurg' pfennig geltes alliv Iar . ewiclich geben ze zwain zilen in dem Iar .
daz ist vf Sant Georien tag suelen wir in geben Sehs schilling pfenni-g vnd
vf sant Michels tag sueln wir auch .
- 12b26,11 geben Sehs schilling pfennig ze ietwedrem zil . in den nachsten Viertzehen
tagen vor . od' in den nachsten viertzehen tagen dar nach Vnd ze swelhem
zil wir daz versaezzen So
- 12b26,12 ist den vor geschribenn Siben Liechten . vnd dem pfleger swer danne der
selben Siben Licht' pfleg' ist . div eigenschaft . des vor geschribenn Hauses
/ hofsach vnd Gartens vnd
- 12b26,13 swaz dar zvo gehoeret / mit allen den rehten vnd nuotzen / als wir daz selb
Hause hofsach vnd Garten in nutz vnd in gewer biz her braht haben von
vens vnd von allen vnse'n erben
- 12b26,14 vnd Nachkomen in der gewalt div eigenschaft hinnan fuer kumt . dar vmb
mit reht zinsuellig worden . vnd v'uallen ane allen krieg . vnd ane alle
wid'rede Vnd also suelen wir

- 12b26,15 vnd alle vnser erben der vor geschribenn zwelf schilling auspurg' pfenni-g geltes . der vor geschribenn Siben licht' vnd irs pflegers swer danne der selben Licht' pfleg' ist
- 12b26,16 reht Geweren sin vnd suelen s in auch staeten vnd v'tigen fuer alle ansprach als man aigen durch reht staeten vnd vertigen sol . nach aigens reht vnd nach der Stet reht ze auspurch .
- 12b26,17 Vnd wuerden in / die selben zwelf schilling auspurg' pfenni-g geltes von iemen anspraech mit dem rehten in den zilen als man aigen durch reht staeten vnd v'tigen
- 12b26,18 sol . nach der Stet reht ze auspurch . die selben ansprach alle suelen wir vnd venser erben in zehant nach irr manung In dem naechsten manot v'rihten vnd entloezen nach diser
- 12b26,19 Stet reht ane allen iren schaden / Taeten wir des niht . swaz si danne der selben ansprach schaden naemen den suelen wir in auch zehant gar vnd gaentzlichen ab tuon vnd
- 12b26,20 gelten ane allen krieg vnd ane alle wid'rede Man sol auch wizzen daz der vor geschribenn Siben licht' pfleger swer dann ir pfleg' ist . die vor geschribenn zwelf
- 12b26,21 schilling auspurg' pfenni-g geltes alliv Iar . der Stat ze auspurch suelen v'stiuren / nach der Stet reht ze auspurch Daz daz also staet belib vnd vnz'brochen dar vmb geben wir
- 12b26,22 disen brief versigelten vnd geuestent mit der Stat ze auspurch Insigel . vnd mit min Iohansen des Volchwins Insigel div baidiv dar an hangent Des sint geziug her
- 12b26,23 Cuonrat der Clokker vnd her Hainrich der Herbort . die do Burg'maist' waren her Hainrich der Portner . her Cuonrat der Lang her Volrich der Rauenspurg' her Cuonrat
- 12b26,24 der Gollenhou' her Cuonrat der ansorg her Pet' der Minn' / vnd and' gnuog der brief ist geben do man zalt von Cristes gebuert driuzehen Hundert Iar . vnd dar nach in
- 12b26,25 dem Ahtenden vnd drizzigosten Iar . an vnser frauwen abent in der Vaston .
- 13b26,1 Ich adelhait / h'n Hainrichs des Kauburgers wirtin / burg'in ze auspurch Tvon kunt allen den / die disen brief an sehent . od' hoerent
- 13b26,2 lesen / Daz ich mit verdahtem muot / vnd mit guot' vorbetrachtung / vnd mit mines vor genanten wirtes Rat vnd willen
- 13b26,3 vnd mit Cuonratz / vnd Volrichs der Diling' miner Oehain / vnd mit and' min' friunde Rat gunst . vnd guotem willen
- 13b26,4 ain pfunt auspurg' pfenni-g geltes / daz min vorderr wirt her Hainrich der Gail saelig vor etwi vil Iaren reht vnd
- 13b26,5 redlich kauft ze rehtem aigen . im / vnd mir vnd vnse'n erben / vz Votzen Sibotz des Bekken haus . vnd hofsach . daz
- 13b26,6 gelegen ist vnd' den Ob'n Bekken hie ze auspurch zwischen der Nagenraemstin hause / vnd Karels dez zingiezzers
- 13b26,7 Haus . als div Hantfest saet / die Votz Sibot minem vorde'n wirt saeligen vnd mir gab . veber den selben Kauf . versigelt

- 13b26,8 mit der Stet ze auspurch Insigel . daz selb pfunt auspurg' pfenni-g geltes .
daz min rehtz aigen ist gewesen / han ich
- 13b26,9 fuer ain lediges / vnd vnuerkuemmertz guot / reht vnd redlich verkauft .
vnd geben ze rehtem aigen mines vor genanten
- 13b26,10 vorde'n wirtes . h'n Hainrichs des Gailen saeligen pflegern / die er im bi
sinem lebendigem libe ze sinem Selgeraet .
- 13b26,11 ze pflege'n erwelt vnd erkoren hat . daz ist Hainrich Spaeglin / Cuonrat
Haeginberch / Chuonrat Sighart . Hainrich
- 13b26,12 der Gail / albreht der Schuoler / vnd Burchart der Veder . burg' ze auspurch
vnd hand mir die selben Erber luet
- 13b26,13 vmb daz selb pfunt auspurg' pfenni-g geltes gegeben dritthalbs . vnd
zwaintzig pfunt . vnd fuemf schilling guot'
- 13b26,14 vnd gaeber auspurg' pfenni-g die ich berait von in dar vmb empfangen han
/ vnd die ich an minen nutz gelaet han vnd
- 13b26,15 daz selb pfunt auspurg' pfenni-g geltes / sol der ob genant Votz Sibot . od'
sin erben od' in swes gewalt sin vor geschribens
- 13b26,16 Haus . vnd hofsach hinnan fuer kumt / den vor genanten pflegern . vnd
iren Nachkomen hinnan fuer ewiclichen aelliv iar
- 13b26,17 geben vz dem selben Haus vnd hofsach . vf den hailigen tag ze
wihennaechten / od' in den naechsten Viertzechen tagen / da vor
- 13b26,18 od' in den naechsten viertzechen tagen dar nach in der wise . vnd in der
beschaidenhait / vnd in allem dem rehten . als
- 13b26,19 div hantfest saet . die der selb Votz Sibot . mir vnd minem vorde'n wirt
saeligen gab . vmb daz selb pfunt pfenni-g geltes
- 13b26,20 versigelt mit der Stet ze auspurch Insigel . die ich den vor genanten pflege'n
/ auch in geantwurt vnd gegeben
- 13b26,21 han Es suelen auch die vor genanten pfleger . vnd ir Nachkomen . daz selb
pfunt pfenni-g geltes . alliv Iar geben
- 13b26,22 armen lueten durch mins vor genanten wirtes saeligen Sele willen / swa /
si dunket von iren triwen / da es allerbest
- 13b26,23 bestatet si / vnd swenne der vor genanten pfleger ain' gestirbet . So suelen
die and'n / die da lebendig sint beliben zehant
- 13b26,24 ainen and'n pfleg' zvo in nemen vnd sol der denne allen den gewalt han .
den der gehabt hat an des Stat er genomen
- 13b26,25 ist . Vnd also sol ich den vor genanten pfleg'n . daz vor geschriben pfu-t
auspurg' pfenni-g geltes staeten vnd vertigen fuer
- 13b26,26 alle ansprach / als / man aigen durch reht staeten . vnd vertigen sol nach
der Stet reht ze auspurch Vnd wuerde in daz
- 13b26,27 vor geschriben pfunt auspurg' pfenni-g geltes / von iement anspraech mit
dem rehten in den zilen . als man aigen durch reht
- 13b26,28 staeten . vnd vertigen sol nach der Stet reht ze auspurch die selben ansprach
sol ich od' min erben in v'rihten . vnd entloezen
- 13b26,29 ane allen iren schaden / Taeten wir des niht . Swaz / si der selben ansprach
denne schaden naemen den suelen wir in allen
- 13b26,30 gar . vnd gaentzlichen ab tuon vnd gelten . ane allen krieg vnd ane alle
wid'rede Daz das also staet belib . vnd vnzerbrochen .
- 13b26,31 dar vmb gib ich in disen brief v'sigelten . vnd geuestent / mit der Stet
Insigel . ze auspurch daz die Burger

- 13b26,32 durch min bet dar an hand gehalten / Des sint geziug . her Chuonrat der
Clokker . vnd her Hainrich der Herbort . die
- 13b26,33 do Burg'maist' waren her Ruediger der Langmantel . her Hainrich der
Portner . her Hainrich der Stoltzhirs her Chuonrat
- 13b26,34 der Lang her Cuonrat der ansorg vnd and' gnuog / Der brief ist geben . do
man zalt von Cristes gebuert Driuzehen
- 13b26,35 Hvndert Iar . vnd dar nach in dem ahtenden / vnd Drizzigosten Iar . an
dem naechsten fritag nach Sant Iohans
- 13b26,36 tag . ze Svonnewenden .
- 14b26,1 Ich fridrich von friberch . Lantuogt ze Auspurch . Vnd wir / Volrich / vnd
Hainrich von friberg
- 14b26,2 sin bruoder / vnd ich Hainrich / dez vor genannten h'n fridrichs von friberch
Svn / Vergehen offentlich
- 14b26,3 an disem brief . vnd tuen kunt allen den / die in lesent . sehent . od'
hoerent lesen . Daz wir
- 14b26,4 die Puntnuezze / vnd den fride . den vnser herr Kays' Ludwig . vnd and'
herren . vnd Stet
- 14b26,5 gemacht . vnd gesworen hand . mit guotem willen gesworen haben / ze
laysten / vnd ze
- 14b26,6 halten / in aller der wise . vnd in der beschaidenhait / als der Puntnuezzbrief
saet . der
- 14b26,7 veber die selben Puntnuezz gemacht . vnd geben ist . der versigelt / vnd
geuestent ist . mit
- 14b26,8 vensers herren Kayser Ludowiges Insigel . Vnd des ze vrchuende geben wir
disen brief
- 14b26,9 versigelten / mit vnser vor genanter drier gebuod' Insigeln / div alliv dar
an hangent . Vnd
- 14b26,10 wan ich vor genant' Hainrich / h'n fridrichs von friberch Svn niht aigens
Insigels han / So
- 14b26,11 bind ich mich mit minen triwen / vnd' mins Vaters Insigel . allez daz staet
ze halten .
- 14b26,12 vnd ze laisten / daz hie vor an disem brief von mir ist geschriben . Der brief
ist gebn- .
- 14b26,13 do man zalt von Cristes gebuert . driuzehen Hundert iar . vnd dar nach in
dem ahten
- 14b26,14 vnd drizzigosten iar . an dem naechsten fritag . vor Sant Thomas tag . vor
Wihennaechten
- 15b26,1 Ich Hiltgynt . div Priolin / h'n Hainrichs des Priols saeligen witib / burg'in
ze Auspurch . Tvon kunt allen den / die disen brief an sehent . od' hoerent
lesen . Daz
- 15b26,2 ich mit verdahtem muot / vnd mit guot' vorbetrahtvng . vnd mit Rat .
gunst . vnd guotem willen / min' lieben tocht'maenne / vnd min' lieben
tocht' / Cuonratz dez
- 15b26,3 Goldochsen . frawen Annen sin' wirtin . Iohansen Voegellins / Katrinen
sin' wirtin . Iohansen des Priols mins Svns . Agnesen sin' wirtin / vnd
Cuonratz dez Iungen

- 15b26,4 Vischers . vnd Elzpeten siner wirtin / vnd mit aller and'r min' erben / Rat /
gunst / vnd guotem willen minen drittail . dez Badhuses . daz man nennet
.
- 15b26,5 daz Maurbad . vnd daz min . vnd min' erben reht lehen waz . von
vnse'm gnaedigen herren / Bischof Hainrichen von Auspurch . vnd von
dem Gotzhaus
- 15b26,6 ze Auspurch . Verkauft . vnd geben han . reht . vnd redlich . fuer ain lediges
. vnd vnu'kummertz guot / vnd fuer ain rehtes Lehen . dem beschaidenem
manne /
- 15b26,7 Iohansen dem Langemantel . burg' ze Auspurch . frawen Katrinen sin'
wirtin . vnd allen iren erben / od' swem si den selben Drittail . dez
Badhuses
- 15b26,8 gebent / verkauffent . schaffent . od' lazzent . vmb fuemfthalbs . vnd
Sehtzig pfunt . guot' / vnd gaeber auspurg' pfenni-g / die ich dar vmb von
in enpfangen
- 15b26,9 han / vnd da mit ich minen gelte'n . den ich gelten solt vergolten han . Mit
der beschaidenhait / vnd mit dem geding . daz den vor genanten . Iohansen
den
- 15b26,10 Langmantel . frawen Katrinen sin' wirtin / vnd iren erben . alliv Iar w'den
sol ze rehtem zins . vnd ze reht' guelt / Driu pfunt / guot' vnd gaeber
- 15b26,11 Auspurg' pfenni-g geltes . von dem Drittail / dez Badhuses . vnd ain wisat
. ze wihennaechten . daz ain schillings auspurg' pfenni-g wert ist . vnd ze
- 15b26,12 Ostern Hvndert ayer . Vnd haben wir alliv / daz selb Lehen vf gegeben . in
vnser vor genanten Lehenherren Bischof Hainrichs von Auspurch .
- 15b26,13 hant . vnd haben geschaffet . daz er es Iohansen dem Langmantel . frawen
Katrinen sin' wirtin / vnd iren erben ze rehtem Lehen hat verlihen .
- 15b26,14 Vnd also suelen wir . Ich . div vor genant Priolin vnd die vor genanten min
toeht'maenne / vnd min toeht' Iohans min Svn / fraw Agnes sin wirtin /
- 15b26,15 wir aelliv vnu'schaidenlich / der oft genanten . Iohansen des Langemantels
. frawen Kaetrinen sin' wirtin . vnd aller irr erben / dez vor geschribenn
- 15b26,16 Drittails . dez Badhuses . vnd dez vor geschribenn geltes . daz da von
gehoeret reht gewe'n sin / vnd suelen es in staeten . vnd vertigen fuer alle
- 15b26,17 ansprach . als man Lehen durch reht staeten . vnd vertigen sol . nach der
Stet reht ze Auspurch . vnd nach dez Landes reht . Vnd wuerde es
- 15b26,18 in von iemen anspraech mit dem rechten in den zilen . als man Lehen durch
reht staeten . vnd vertigen sol . nach der Stet reht ze Auspurch . vnd
- 15b26,19 nach dez Landes reht . Die selben ansprach suelen wir in verrihten . vnd
entloezen ane allen iren schaden . Taeten wir dez niht . Swaz si der
- 15b26,20 ansprach denne schaden nement . den suelen wir in allen ab tvon / vnd
gelten gar . vnd gaentzlichen . ane allen krieg . ane alle wid'rede . vnd ane
- 15b26,21 alles rehtes . Daz den vor genanten / Iohansen dem Langemantel . frawen
Katrinen sin' wirtin . vnd allen iren erben daz also staet belib . vnd
vnz'brochen .
- 15b26,22 dar vmb geben wir in disen brief versigelten . mit der Stet ze Auspurch
Insigel . daz dar an hanget . vnd mit des vor genanten Cuonratz
- 15b26,23 des Goldochsen . Insigel . vnd mit des vor genanten Iohansen des Priols
Insigel . div baidiv auch dar an hangent . Vnd wan wir vor genanten /

- 15b26,24 Iohans der Voegellin / vnd Cuonrat der Iunge vischer . der Priolin
tocht'maenne . niht aign' Insigel haben . So binden wir vens mit
15b26,25 vnse'n triwen in aides wise vnd' der Stet ze Auspurch gagenwuertiges
Insigel . alles daz staet ze laysten . vnd ze haben . swaz da vor von
15b26,26 vens an disem brief ist geschriben / Des sint geziug / her Chuonrat der
Ansorg . vnd her Iohans Voegellin die do Burg'maist' waren . her
15b26,27 Hainrich der Portn' . her Cuonrat der Lang . her Hainrich der Stoltzhirs .
her Herbort . her Iohans Rapolt . vnd and' gnuog . Der
15b26,28 brief ist geben . do man zalt von Cristes gebuert driuzehen Hundert Iar .
vnd dar nach in dem Ahtenden . vnd Drizzigosten Iar .
15b26,29 an dem Hailgen abent ze Wihennaechten
- 16b26,1 Ich Agnes div Hanganoerin burg'in ze Auspurch . Vnd ich Hainrich
Hurnaus burg' ze auspurg . Tuen kunt allen den / die disen brief an sehent
/ od' hoerent lesen . Do wir vens gesamnoten mit friuntschaft . nach vens'
baider
16b26,2 gemainer friunde . Rat vnd willen also daz ich agnes div Hanganoerin min
toht' agnesen gegeben han dem vor genanten Hainrichen dem Hurnaus ze
ein' Elichen wirtin / Vnd daz ich Hainrich Hurnaus . die selben
16b26,3 frawen agnesen genomen han ze ein' Elichen wirtin Do ward zwischen vns'
also geraet . vnd getaedinget . daz ich agnes div Hanganoerin miner tochter
agnesen / gegeben han ze reht' Hainstiur zv irem wirt
16b26,4 Hainrichen dem Hurnaus zwai Hundert pfunt auspurg' pfenni-g / vnd
gelichen Erbtail mit and'n minen kinden / an aigen / an Lehen / an Erbguot
/ an Erblehen an zinslehen / an Lipding . besuoht vnd vnbesuoht
16b26,5 swie es gehaizzen ist So han ich Hainrich Hurnaus miner vor genanten
wirtin frawen agnesen gegeben auch ze rechten Hainstiur . vnd ze
widerlegung / zwai Hundert pfunt auspurg' pfenni-g / Vnd
16b26,6 swenne wir zesamen gelaet w'den So suelen wir div vor geschribenn Vier
hundert pfunt auspurger pfenni-g / zehant vf enand' erben / Es ist auch
geraet vnd getaedinget . daz ich vor genantiv Agnes . h'n Hainrichs .
16b26,7 des Hurnaus wirtin wir gewinnen kinde mit enand' od' niht . mit dem guot
daz ich han od' gehaben mag . veber diu vor genanten zwai hundert pfunt
pfenni-g . die minem wirt h'n Hainrichen dem Hurnaus
16b26,8 ietzo von mir ze Hainstiur worden sint des min fraw min Muot' getriwiv
pflegerin sin sol . die wil si lebt . gewalt han ze tvon / vnd ze schaffen swaz
ich wil . vnd mag es geben / vnd schaffen / bi minem gesundem
16b26,9 lib . oder an minem Siehbett . swem ich wil . daz mich dar an min wirt
her Hainrich der Hurnaus . noch miniv kinde ob ich kinde bi im gewinne
noch iemen anders nihs engen noch irren sol . mit
16b26,10 kainen sachen / Waer auch daz ich min frawen min Muoter vberlebte vnd
daz ich stuerbe vor minem vor genanten Wirt h'n Hainrichen dem Hurnaus
vnd im niht kinde liezze div ich bi im haet gewonnen
16b26,11 Swaz mich dann guotes nach miner Muot' tode an geuallen ist . Es sie
aigen od' Lehen Erbguot zinslehen od' swie es gehaizzen ist . besuohtz .
vnd vnbesuohtz daz sol alles miniv Geswist'git nach minem

- 16b26,12 tode wider an vallen vnd sol in gar vnd gaentzlich werden vnd beliben ane alle wid'rede . Waer aber daz ich stuerbe vor minem vor genantem wirt h'n Hainrichen dem Hurnaus . vnd im kinde liezze
- 16b26,13 div ich bi im haet gewonnen So suelen div selbn- miniv kinde . erben / vnd haben vor vz alles min guot / daz ich liezze Es sie aigen . Lehen / Erbguot . Erblehen . Lipding ligentz / od' varentz guot / besuohtz . vnd
- 16b26,14 vnbesuohtz / swie es gehaizzen ist Ich hab es gehabt bi min' Muoter lebendigem lib . od' es sie mich nach min' Muot' tode ze Erbschaft an geuallen / vnd an den selbn- guoten div von mir dar komen sint / sulen hern
- 16b26,15 Hainrichs des Hurnaus mins wirtes ersten kinde von Erbschaft wegen noch von kainer lai and'n sachen nach minem tode kainer schlaht ansprah . noch kainer schlaht reht haben . Waer auch / daz ich vor genant'
- 16b26,16 Hainrich der Hurnaus stuerbe vor min' vor genanten wirtin frawen agnesen So sol si diu vor geschribenn Vier hundert pfunt auspurger pfenni-g / die wir baidenthalben ze Hainstiuir . vnd ze widerlegung . anand'
- 16b26,17 haben gegeben . Haben vf allem minem guot daz ich ze Laugingen han / ane allein vf dem Sehstail der selben guot der miner ersten kinde vor vz ist . Vnd die fuemf tail der selben guot ze Laugingen sol si
- 16b26,18 haben vnd niezzen mit allen den rehten vnd nuetzen / vnd dar zvo gehoerent vnd suelen ir rehtz pfant sin vndz an die zit / daz miniv kinde . div ich bi min' vord'n wirtin frawen annen saeligen gehabt
- 16b26,19 han vnd div kinde div ich bi min' vor genanten wirtin . frawen agnesen han ob daz ist . daz si kinde bi mir gewinnet . div selben guot in iars frist nach minem tode . vmb div selben . Vier hundert
- 16b26,20 pfunt pfenni-g von ir loesent Vnd waer daz venseriv kinde . div selbn- guot ze Laugingen von min' wirtin frawen agnesen vmb daz selb gelt . in iars frist also niht lozten So mag si div selben guot
- 16b26,21 an griffen vnd mag si versetzen vnd verkauffen vnd mag alles daz da mit tvon daz ein fraw mit irem rehten redlichen pfant tuon sol / vnd mag nach der Stet reht ze Auspurch vntz an
- 16b26,22 die zit daz si der vor geschriben Vier hundert pfunt pfenni-g gar vnd gaentzlich verriht vnd gewert wirt . Vnd setze ir dar vmb ze buergen zv mir vnd zv minen erben vnuerschaidenlichen
- 16b26,23 minen lieben Sweher hern Hainrichen den Herborten / vnd minen lieben Swag' albrehten den Stoltzen hirs burger ze auspurch mit der beschaidenhait Ob min' vor genanten wirtin frawen
- 16b26,24 Agnesen an den Guten ze Laugingen der vor geschribenn Vier hundert pfunt pfenni-g ihsit ab gienge daz si von den selben guoten niht gar vnd gantzlichn- v'riht noch gewert moecht werden
- 16b26,25 Swaz ir dann an den selben guten dannoch vz lit daz suelen ir min erben vnd min vor genanten buergen / vz rihten . vnd eruollen / ane allen krieg vnd ane alle wid'rede Waer aber daz ich
- 16b26,26 sturbe vor min' vor genanten wirtin frawen agnesen vnd ir kinde liezze div si bi mir haet gewonnen div selben kinde . vnd miniv ersten kinde div ich bi min' vord'n wirtin saeligen gehabt han

- 16b26,27 sulen gelich mit enand' erben . alles min gut daz ich lazze . Es sie aigen Lehen Erbguot Erblehen zinslehen lipding / ligentz / od' varentz guot besuocht / vnd vnbesuocht swie es gehaizzen ist . in aller der
- 16b26,28 wise als ob si von einer Muot' geboren weren ane allain div Guot / div her nach benennet . vnd geschriben stand . div suelen minen ersten kinden / nach minem tode vor vz w'den . daz ist ain Sehstail der
- 16b26,29 Guot ze Laugingen ain Stadel d' gelegen ist an dem Rind'margt . ze Auspurch zwai Hueser div gelegen sint vor Hustet' tor ze auspurg . zwai Lehen ze Pobingen vnd ain Hof ze Schlipfshain div
- 16b26,30 ob genanten guot alliv sulen minen ersten kinden nach minem tode vor vz werden vnd beliben . wan si div selben Guot . nach irr Muot' saeligen tode geerbet hand Daz das also staet belib vnd vnzerbrochen
- 16b26,31 dar vmb haben wir disen brief haizzen gemacht . vnd schriben der versigelt ist mit der Stet ze Auspurg Insigel . vnd mit der vor genanten burgen h'n Hainrichs des Herborten vnd albrehtz dez
- 16b26,32 Stoltzen hirs Insigeln div alliv dar an hangent . Vnd wir die vor genanten ich agnes div Hanganorin vnd ich Hainrich der Hurnaus irr toht'man binden vns mit vnse'n triwen . vnd' der Stet gagenwurtiges
- 16b26,33 Insigel . alles daz ze halten vnd ze laisten / swaz da vor an disem brief von vns stat geschriben / So vergehen wir die vor genanten burgen auch offentlich mit disem brief alles dez . daz hie vor
- 16b26,34 von vns ist geschriben vnd dar vmb haben wir ze ainem waren vrchuende vens'iv Insigel / mit guotem willen / an disen brief gehenkt des sint geziug her Cuonrat der ansorg . vnd her Iohans
- 16b26,35 Voegellin die do Burg'maist' waren her Hainrich der Portner . her Hainrich der Stoltzhirs her Herbort . her Iohans Rapolt . vnd and' gnuog Der brief ist geben do man zalt von Cristes gebuert driuzehen
- 16b26,36 Hundert iar . vnd dar nach in dem Niunden vnd drizzigosten iar . an Sant Vrbans tag
- 17b26,1 Ich Cuonrat der Stotzhart burg' ze auspurch . Tvon kunt allen den / die disen brief . an sehent . od' hoerent lesen . Daz ich mit v'dahtem muot / vnd mit guot' vorbetrachtung .
- 17b26,2 vnd mit frawen Richentzen . min' wirtin rat . vnd willen . vnd mit aller vnser erben / vnd friunde . gunst . vnd guotem willen / vz minen Stainhus .
- 17b26,3 vnd hofsach . vnd vz dem Brivhaus . daz ze nachst dar an stozzet . da ich ietzo mit wesen inne bin / von vornan . biz hin hind't als verr diu selb
- 17b26,4 hofsach gat div zvo dem selben Haus gehoeret . vnd daz gelegen ist . in vnser frawen pfarr . vnd stozzet ainhalben . an der Iuden Badhus . vnd daz
- 17b26,5 min rehtz aigen ist . vnd auch ain ledigs . vnd vnu'kuemmertz guot ist . Verkauft . vnd geben han / reht . vnd redlich / vz dem selben Staynhaus /
- 17b26,6 vnd hofsach . vnd vz dem Brivhaus . fuer ain rehtz aigen . zwai pfunt . guot' auspurg' pfenni-g geltes . der zeche ze dem Tuom hie ze
- 17b26,7 Auspurch / vmb . Viertzig pfunt . auspurg' pfenni-g / die ich von h'n Volrichen dem Rauenspurg' / vnd von h'n Pete'n dem Minner . die do der
- 17b26,8 selben zeche pfleg' waren / dar vmb enpfangen han . vnd an minen vnd min' erben nutz gelaet han / Mit der beschaidenhait / daz ich . vnd alle

- 17b26,9 min erben . vnd Nachkomen . od' in swes gewalt min vor geschribens
 Stainhus / vnd hofsach / vnd Briuhus . hinnan fuer kumt . diu vor
 17b26,10 geschribenn zwai pfunt auspurg' pfenni-g geltes . alliu iar ewiclichen .
 geben suelen . der vor genanten zeche ze vnser frawen . od' iren
 17b26,11 vor genanten pflege'n . oder swelhi dann der selben zeche pfleg' sint . vf
 sant Georien tag . od' in den naechsten . aht tagen . da vor . od'
 17b26,12 in den naechsten / aht tagen . dar nach / Vnd swelhes iars . ich . od' min
 erben / od' in swes gewalt min vor geschribens Stainhus . vnd hofsach /
 17b26,13 vnd Brivhus hinnan fuer kumt . versaezzen . daz wir diu vor geschribenn
 zwai pfunt auspurg' pfenni-g niht gaeben / in der wise .
 17b26,14 vnd in der beschaidenhait . als da vor geschriben stat . So ist der vor
 genanten zeche ze dem Tvom / min vor geschribens Stainhus . hofsach
 .
 17b26,15 vnd Brivhus . vnd swaz dar zvo gehoert mit reht . vnd ane alle irrung . dar
 vmb zinsuellig worden . vnd veruallen . ane alle
 17b26,16 wid'red . Vnd also suelen ich . vnd min erben . der vor geschribenn zwaier
 pfunt auspurg' pfenni-g geltz . der vor genanten zehhe . vnd
 17b26,17 irr pfleg' . reht gewe'n sin / vnd suelen s in staeten . vnd vertigen . fuer alle
 ansprach / als man aigen durch reht staeten . vnd vertigen
 17b26,18 sol . nach der Stet reht ze auspurch . Vnd dar vmb setz ich der zeche . vnd
 iren pflege'n ze ainem rehten Gewe'n . zvo mir / vnd
 17b26,19 zvo minen erben . vnu'schaidenlichen / den beschaiden man / Volrichen
 den Kuoni-g / burger ze auspurch . Mit der beschaidenhait . ob der
 17b26,20 vor genanten zeche . od' iren pflege'n . div vor geschribenn zwai pfunt
 auspurg' pfenni-g geltes . von iemen anspraech wuerden mit
 17b26,21 dem rehten . in den zilen . als man aigen . durch reht . staeten . vnd
 vertigen sol . nach der Stet reht . ze auspurch . die selben ansprach
 17b26,22 suelen ich . vnd min erben vor genanter Gwer der vor geschribenn zeche .
 vnd iren pflege'n . verrihten / vnd entloezen .
 17b26,23 ane allen iren schaden . Taeten wir dez niht . swaz dez / die vor genant
 zeche . od' ir pfleg' schaden naemen . Den selben schaden suelen /
 17b26,24 ich vnd min erben / vnd min vor genant' Gewer . der vor genanten . zeche
 . vnd iren pflege'n . gar vnd gaentzlichen ab tvon / vnd gelten /
 17b26,25 ane allen krieg . vnd ane alle / Es sol auch div vor genant zeche / div vor
 geschribenn zwai pfunt auspurg' pfenni-g geltes .
 17b26,26 alliu iar . ewiclichen . diser Stat verstiuren / nach diser Stet reht . hie ze
 auspurch . Daz daz also staet belib vnd vnzerbroechen .
 17b26,27 dar vmb gib ich der zeche ze vnser frawen disen brief versigelten . vnd
 geuestent . mit der Stat ze auspurch . Insigel . vnd mit
 17b26,28 minem Insigel . vnd mit mins vor genanten Gewe'n Insigel . div alliu dar
 an hangent / Des sint geziug / her Hainrich der Stoltzhirs .
 17b26,29 vnd her Cuonrat d' Lang . die do Purg'maist' waren . her Hainrich der
 Portner . her Herbort . her Iohans der waelser . her Iohans
 17b26,30 Voegellin . vnd and' gnuog / der brief ist geben . do man zalt von Cristes
 gebuert driuzehen . Hundert Iar . vnd dar nach in dem
 17b26,31 Nivnden . vnd drizzigosten iar . an sant Michels abent .

- 18b26,1 Ich Vlrich der Mauk . des alten Stotzhartz . saeligen Enclin burg' ze
auspurg . Tvon kunt allen den . die disen brief an sehent . od' hoerent
lesen . Daz ich mit
- 18b26,2 verdahtem muot / vnd mit guot' vorbetrachtung . vnd mit Rat willen .
vnd gunst aller miner erben . vnd friunde . min Haus / hofsach . vnd
Baungarten .
- 18b26,3 daz an der Blaych gelegen ist . vnd ainhalben stozzet an der zelrer . aygen .
vnd anderhalben stozzet es an die Langen . Gazzen . daz min rehtz
- 18b26,4 aigen waz . vnd daz auch der Draehsel ietzo von mir ze liben hat . vnd
iaerclichen da von git ze zins ahtzehen schilling auspurg' pfenni-g /
- 18b26,5 vnd git die halb vf sant Iohans tag . ze Svnnewenden . vnd halb vf sant
Gallen tag . ze ietwedrem zil / aht tag . vor / od' aht tag
- 18b26,6 dar nach . nach lipdings reht . Daz selb vor genant Haus . hofsach . vnd
Bavngarten . vnd swaz dar zvo gehoeret / ob erde . vnd vnd' erde . vnd
- 18b26,7 ze beden seitten . besuochtz / vnd vnbesuochtz / swie es gehaizzen ist . mit
allen den rehten . vnd nuetzen . vnd es giltet . vnd als ich s biz her
- 18b26,8 braht han . fuer ain ledigs vnuerkvemmertz guot / vnd fuer ain Rehtz aigen
. Reht . vnd redlich verkauft . vnd geben han . dem beschaidenem
- 18b26,9 manne . Volrice . dem Schriber . der Winchlerin toht'man . burg' ze
auspurg . div er an diu Siben liechter diu vor dem Cruetzalter
- 18b26,10 ze Sant Mauritien hangent . ze rehtem aigen gekauft hat . vmb Sibentzehen
pfunt auspurg' pfenni-g / die ich berait von im dar vmb enpfangen
- 18b26,11 han / vnd an minen . vnd min' erben nutz gelaet han . vnd haben ich vnd
min erben . daz vor genant Haus . hofsach . vnd Baungarten .
- 18b26,12 vnd swaz dar zvo gehoeret / dem vor genanten Volrice dem Schriber . vnd
den vor geschribenn Siben liechte'n ze rehtem aigen . vf gegeben .
- 18b26,13 vnd han mich sin verzigen offentlich mit disem brief / fuer mich . vnd fuer
alle min erben als man sich aigens durch reht verzihen sol . vnd
- 18b26,14 als man es vf geben sol . nach der Stet reht hie ze auspurg . vnd also sulen
ich . vnd min erben . dez vor genanten . Hauses . hofsach . vnd
- 18b26,15 Bavngarten . vnd swaz dar zvo gehoeret / Volrice dez Schribers . vnd der
Siben Licht' reht gewe'n sin / vnd suelen s in auch staeten . vnd vertigen
- 18b26,16 fuer alle ansprach . als man aigen durch reht staeten / vnd vertigen sol .
nach aigens reht . vnd nach der Stet reht ze auspurg . Vnd dar vmb
- 18b26,17 han ich in ze buergen gesetzt . zvo mir vnuerschaidenlichen . Chuonraten
den Stotzhart . vnd Dietrichen den Hotter burger ze auspurg . mit der
- 18b26,18 beschaidenhait . ob in daz vor genant Haus . hofsach vnd Bavngart . von
iemen anspraech wuerde mit dem Rehten . in den zilen / als man aigen
durch
- 18b26,19 reht staeten . vnd vertigen sol . nach der Stet reht . ze auspurg . Die selben
ansprach alle / sol ich / vnd min erben . vnd die vor genanten buergen .
- 18b26,20 in zehant . dar nach in dem naechsten manod . gar . vnd gaentzlichen . vz
rihten . vnd entloezen nach diser stet reht . ane allen iren schaden / Taeten
- 18b26,21 wir dez niht / Swaz si der ansprach dann schaden naemen . den sol ich .
vnd min erben . vnd min vor genant buergen in auch zehant allen
- 18b26,22 gar vnd gaentzlichen . ab tvon vnd gelten / ane alle wid'rede . Si suelen auch
elliv iar . daz vor genant Haus hofsach . vnd Bavngarten . den Burgern

- 18b26,23 hie ze auspurg . verstiuren fuer ahtzeihen schilling pfenni-g geltz . Man sol
auch wizzen . swann Volrice der Schriber nimmer en ist . so sol daz
18b26,24 vor genant . Haus . hofsach . vnd Bavngart . an geuallen . die pfleg' der
zeche . da tz sant Mauritzen . swelhi dann der selben zeche pfleger
18b26,25 sint . vnd suelen die dann div Siben Lieht . da von besorgen . ane alle
geuaerde . so si best muegen Daz in daz staet belib . vnd vnzerbrochen .
18b26,26 dar vmb gib ich disen brief versigelt mit der Stet ze auspurg Insigel . vnd
mit d' vor genanten buergen Insigeln . div alliv dar an hangent .
18b26,27 dar vnd' ich Volrich Mauk mich bind mit minen triwen . ze halten . vnd ze
laysten swaz da vor geschriben stat . wan ich aigens Insigels
18b26,28 niht han . des sint geziug her Hainrich der Stoltzhirs . vnd her Cuonrat d'
Lang . die do Burg'maist' waren . her Hainrich d' Portner . her
18b26,29 Herbort . her Cuonrat / vnd her Iohans die Waelser . vnd and' gnuog . Der
brief ist geben . do man zalt von Cristes gebuert driuzehen
18b26,30 Hund't iar . vnd in dem Nivndem . vnd drizzigosten iar . an sant Thomas
abent . vor Wihennaechten
- 19b26,1 Wir Hainrich der Herbort . vnd Peter der Minner / die do der Stat ze
auspurg . Bumaister waren . Tuen kunt allen den / die disen
19b26,2 brief an sehent . od' hoerent lesen . daz wir mit he'n Hainrichs des Stoltzen
hirs / vnd h'n Cuonratz dez Langen . die do
19b26,3 Purgermaister waren / vnd mit der Ratgeben rat . vnd willen vnse'n Turen
/ der gehaizzen ist dez Goeggellins turen .
19b26,4 vnd gelegen ist . hind' dem Raem / vnd swaz zvo dem selben Turen
gehoeret obnan . vnd vndan . Gelihen haben Berhtolden
19b26,5 dem Zimmerman . frawn Liuggart / sin' wirtin / vnd iren erben . Mit der
beschaidenhait . daz si alle die wil
19b26,6 vnd si den selben Turen verwesen muegen / der Stet Bumaist'n alliv iar
geben suelen fuemf schilling auspurg'
19b26,7 pfenni-g ze zwain zilen in dem Iar . daz ist vf sant Iohans tag ze
Suennewenden suelen si geben
19b26,8 drizzig pfenni-g / vnd vf sant Thomas tag vor Wihennaechten suelen si auch
geben . drizzig auspurg' pfenni-g
19b26,9 Waer aber daz der ob genant Berhtold d' Zim'man / od' sin erben den selben
turen niht / verwesen moechten
19b26,10 so suelen in der Stet Pumaister geben . zwey pfunt auspurg' pfenni-g / wan
si die selben pfennig vf
19b26,11 den selben Turen verbawen hand . Daz daz also staet belib . vnd
vnzerbrochen . dar umb geben wir in disen
19b26,12 brief versigelt mit der Stet ze auspurg . clainem Insigel . daz dar an hanget
. Der geben ist . do man zalt von
19b26,13 Cristes gebuert / driuzehen Hund't Iar . vnd in dem Viertzigosten iar . an
dem naechsten Mentag / vor vns'
19b26,14 Frawen tag ze der Liechmesse .
- 20b26,1 Ich Cuonrat d' alpershouer . burg' ze auspurg . Tvon kunt / allen den / die
disen brief an sehent . oder hoerent lesen . Daz ich mit v'dahtem muot .

- 20b26,2 vnd mit guot' vorbetrachtung . vnd mit frawen annen miner wirtin / vnd mit Cunratz mins Svns rat . vnd willen / vnd mit and' min'
- 20b26,3 erben . vnd friunde gunst / vnd guotem willen / vz minem Bekkenhus . vnd hofsach . vnd vz elliv div / vnd dar zvo gehoert / daz gelegen
- 20b26,4 ist hie ze auspurg . in sant Volrichs pfarr . vnd stozzet obnan an Sifridz dez Illsunges . Stainhus . vnd vndan . stozzet es an die Gazzen .
- 20b26,5 gen dez Rauenspurg's Hus . vnd stozzet hindan an min Briuhus . daz min reht aygen ist . vnd ain ledigs vnu'kuemmertz guot ist .
- 20b26,6 Reht . vnd redlich ze rehtem aigen . verkauft . vnd geben / vz dem selben Bekkenhus . vnd hofsach . ain pfunt gaeber / vnd guoter
- 20b26,7 auspurg' pfenni-g geltes . den Siben Liehte'n / die da hangent vor dez Liupriesters altar . ze Sant Mauricien ze auspurg . daz her
- 20b26,8 Vlrich der alt Schriber . der / der selben Lieht' pfleg' ist . von mir gekauft hat / vmb Niuntzehen pfunt / vnd vmb zehen schilling
- 20b26,9 gaeber . auspurg' pfenni-g / die ich von in dar vmb enpfangen han . vnd an minen . vnd min' erben . nutz gelaet han . Mit der beschaidenhait /
- 20b26,10 daz ich / vnd alle min erben . vnd Nachkomen / od' in swez gewalt min vor geschribens Bekkenhus .. vnd hofsach . hinnan fuer .
- 20b26,11 kumt . vz dem selben Bekkenhus . vnd hofsach . aelliv iar ewiclichen . geben suelen dem vor genanten Lieht'n . vnd iren vor genanten
- 20b26,12 pfleg' . h'n Volrichen dem alten Schriber . od' swer dann d' selben Lieht' pfleg' ist . ain pfunt gaeber auspurg' pfenni-g geltes . vf sant
- 20b26,13 Georien tag . od' in den naechsten aht tagen da vor . od' in den naechsten aht tagen dar nach / Vnd swelhes iars / ich / od' min erben .
- 20b26,14 od' in swes gewalt . daz vor gen&2 Bekkenhus . vnd hofsach . kvmt . v'saezen / daz wir den vor geschribenn Liehte'n / vnd irem vor genante-
- 20b26,15 pfleg' / od' swer dann der selben Lieht' pfleger ist . daz vor gen&2 pfunt auspurg' pfenni-g geltes . alliv iar hinnan fuer ewiclichen .
- 20b26,16 niht gaeben . vf daz vor genant . zil . So ist den vor geschribenn Liehte'n / vnd irem pfleg' . min vor genantz Bekkenhus . vnd
- 20b26,17 hofsach . vnd swaz dar zvo gehoeret dar vmb mit reht zinsuellig / vnd ledig worden . ane allen krieg . vnd ane alle wid'rede .
- 20b26,18 Vnd also suelen ich vnd alle min erben . dez vor geschribenn pfunt auspurg' pfenni-g geltes . d' vor geschribenn Lieht' / vnd irs
- 20b26,19 pflegers . reht' Gewer sin . vnd sol . es in staeten / vnd vertigen fuer alle ansprach . als man aygen durch reht staeten . vnd
- 20b26,20 v'tigen sol nach d' Stet reht ze auspurg . Vnd wuerd in daz selb pfunt auspurg' pfenni-g geltz . von iemen anspraech mit dem
- 20b26,21 rehten . in den zilen . als man aygen durch reht staeten . vnd vertigen sol . nach d' Stet reht hie ze auspurg . Die selben
- 20b26,22 ansprach suelen ich vnd min erben . in v'rihten . vnd entloezen / ane allen iren . schaden . Taeten wir dez niht . Swaz si der
- 20b26,23 selben ansprach dann schaden naemen . den suelen wir in allen ab tvon vnd gelten . ane allen krieg . vnd ane alle wid'red
- 20b26,24 Man sol auch wizzen . daz d' Ganch . d' hinden gat zwischen minem Briuhus / vnd Sifridz dez Illsunges Hus . hin ab zvo d'
- 20b26,25 Priuat . vf den Lech minem vor genanten Bekkenhus gemain sol sin . vnd daz man den selben ganch . niht verbuen sol .

- 20b26,26 dar zvo sol man wizzen . daz d' vor genant volrich d' Schriber . od' swer
der vor geschribenn Lieht' pfleger ist . daz vor
- 20b26,27 genant pfunt auspurg' pfenni-g geltes . alliv iar ewiclichen . d' Stat ze
auspurg verstiuren sol . nach d' Stet reht .
- 20b26,28 Mer sol man wizzen . swenn d' vor gen\&2 Volrich d' alt Schriber gestirbet
. daz ich / vnd min erben . vnd Nachkomen . denn
- 20b26,29 daz vor geschriben pfunt auspurg' pfenni-g geltz . geben suelen / vz dem
vor geschribenn Bekkenhus . d' zeche pfleg'n
- 20b26,30 ze Sant Mauritzien swelhi dann pfleg' sint . vnd suelen es die an die vor
geschribenn Lieht' geben . in aller der wise .
- 20b26,31 als da vor ist . geschriben / Daz daz also staet belib . vnd vnz'brochen / dar
vmb gib ich in disen brief versigelt mit der
- 20b26,32 Stat ze auspurg Insigel . vnd mit minem Insigel . div baidiv dar an hangent
. Des sint geziug her Hainrich d' Portn'
- 20b26,33 vnd her Cuonrat d' Herbort . die do Burg'maist' waren . her Hainr\&et /
d' Stolzchirs . her Cuonrat d' Lang . her Herbort
- 20b26,34 her Cuonrat d' ansorg . vnd and' gnuog . Der brief ist gebn- do man zalt
von Cristes gebuert Driuzehen Hund't iar .
- 20b26,35 vnd in dem Viertzigosten iar . an sant franciscen tag
- 21b26,1 Ich Sifrid . der zusmegg' genant der Iaeg' / Burg' ze auspurch . tvon kunt
allen den . die disen brief an sehent / oder hoerent lesen . Daz ich mit
v'dahtem
- 21b26,2 muot / vnd mit guoter vorbetrachtung vnd mit frawen Elspethen miner
wirtin vnd auch aller anderr min' erbn- . rat gunst vnd guotem willn- vz
mine-
- 21b26,3 Hus hofsach vnd Garten . da ich ietzo mit wesen inne bin vnd swas dar zvo
gehoert besuocht vnd vnbesuocht swie es gehaizzen ist daz min rehtes
aygen
- 21b26,4 ist / vnd daz gelegen ist hie ze auspurch / vnder den Ledrern zwischan den
Laechen . vnd stozzet ainhalbn- / an daz hus vnd hofsach . daz wilu-t
- 21b26,5 des Suppans waz / vnd anderhalbn- stozzet ez an .. des kufring's des
fleischhekkels Gesaezz / vnd auch vz alliv div / vnd dar zvo gehoert Reht
vn-
- 21b26,6 redelich v'kauft vnd gegeben- han . ze rehtem aigen fuenfzehn- schilling
guoter vnd gaeber auspurg' pfenni-g geltz Den beschaiden mannen .
- 21b26,7 Cuonraten dem Haeginberg vnd albrehtem dem Schuoler dem Ledrer . der
zaeche pfleger ze sant Mauricien hie ze auspurch . vnd der
- 21b26,8 zaeche da selbn- vnd allen den . die hinnan fver . der selbn- zaeche pfleger
werdent . ze habn- vnd ze niezzen ewiclich vnd gerueiclich fver ein
- 21b26,9 ledigs vnbechuem'tz guot / Vmb saehzehn- pfunt guot' vnd gaeber
auspurger pfenning / die ich von in dar vmb bereit empfangen / vnd yn
genom-
- 21b26,10 han . vnd an minen / vnd min' erbn- nutz gelaet han . Vnd sol ich / vnd
min erbn- oder in swes gewalt / daz vor gen\&1 hus / hofsach vnd Gart-
- 21b26,11 hinna- fver kumpt . der vor gen\&1 zaeche ze sant Mauricien hie ze
auspurch . oder den / die denne der selben zaeche pfleger sint die vor
geschribn- fuenfzehn-

- 21b26,12 schilling auspurg' pfenning geltz . hinnan fver iaerlich gebn- / ane alles
v'ziehen . vf den pfingsttag / aht tag vor oder aht tag nach . Vnd swelhes
- 21b26,13 iars wir daz v'saezzen / daz wir / die vor geschribn- fuenfzehen schilling
auspurger pfenning geltz . der zaeche ze sant Mauricien hie ze auspurch /
oder den
- 21b26,14 die denn pfleger sint niht gaeben . vf daz zil / als vor geschribn- stat So ist
der selbn- zaeche vnd den pflegern da selben . daz vor geschriben
- 21b26,15 hus / hofsach vnd Gart / vnd swas dar zvo gehoert / dar vmb mit reht
zinsuellig worden . vnd v'ualln- ane allen krieg / vnd ane alle widerrede .
- 21b26,16 Vnd also / sol ich / vnd min erbn- / den ob gen\&l zwain pflegern . vnd
der vor gen\&l zaeche die vor geschribn- fuenfzehn- schilling auspurger
pfenning
- 21b26,17 geltz . staeten / vn- v'tigen fver alle ansprach / vnd ir reht Gew'n sin / als
man aigen durch reht staeten vnd v'tigen sol / nach aigens reht / vnd nach
- 21b26,18 der Stet reht hie ze auspurch . Vnd wuerden in / oder der e gena-ten zaeche
/ die vor geschribn- fuenfzehn- schilling auspurger pfenni-g geltz . von
- 21b26,19 iema- anspraech / mit dem rechten . in den zilen als man aigen durch reht
staeten / vn- vertigen sol nach aigens reht / vnd nach der Stet
- 21b26,20 reht hie ze auspurch . Die selbn- ansprach . sol ich / vnd min erbn- . in /
vnd der vor gena-ten zaeche zehant gar vnd gaentzlichen- v'rihte-
- 21b26,21 vnd entloezen / ane allen iren schaden . Taeten wir dez niht swas si der
selbn- ansprach denne schaden naemen den selbn- schaden sueln wir
- 21b26,22 in / vnd iren nachkom- . die dann / der selbn- zaeche pfleger sint zehant
alln- ab tvon / vnd gelten / ane alln- krieg / vnd ane alle widerrede
- 21b26,23 Daz daz also staet belib . vnd vnzerbrochn- . dar vmb gib ich in disen brief
v'sigelten . vnd geuestent mit der Stet ze auspurch . insigel . daz dar
- 21b26,24 an hanget / Des sint geziug . her Hainrich der Herbort vnd her Iohans der
Voegelin / die do burg'meister waren / her Herbort / her Peter
- 21b26,25 der Minner her Berhtolt der Bache / her Hainrich der Bache . her Iohans
der taeusmer / vnd anderr gnuog Der brief ist geben . do man zalt
- 21b26,26 von Cristes gebuert driuzehn- Hundert Iar / vnd dar nach in dem ainen vnd
Vierzigosten iar an dem ffrytag vor sant Bartholomeus tag